

Goienkaria

2009ko apirilaren 8a > Eguaztena > IX. urtea > 372. zenbakia > Doan banatzekoa

www.goiena.net

"Aste Santua kristau fedearen muina da; alegia, kristau garenon 'Aste Nagusia'"

Angel Ipiña
Abadea > 07



G2a

Liburutegien kanona berbagai Arrasaten > 21

ERRENTA AITORPENA
Autolikidazio proposamenak onartzeko epea irekitzeaz dago > 04

BERGARA
Seminarioagatik trukatu nahi du Udalak, Arrizuriaga jauregia > 12

ANTZUOLA
Balentin Aperribai omenduko dute Debagoieneko Trikiti Egunean > 17

JENDARTEA > PREBENTZIOA

'Gurasoak' aldizkaria sortu dute prebentzioa bultzatzeko

UDALAK Bailarako udalek bultzatutako proiektua da eta 0-18 urte bitarteko seme-alaben gurasoei zuzenduta dago

GURASOAK Seme-alaben heziketaren gainean izan ditzaketen zalantzak eta kezkek argitzeko tresna izatea nahi dute

GALDERAK Informazio zabala emateaz gain, e-postaz gurasoek planteatutako galderak erantzungo ditu > 04

POLITIKA > ABERRI EGUNA

Dei egin dute Aberri Egunerako

Domekarako dei bateratzailea egin dute Aralarrek, EAK eta ezker abertzaleak > 04



GIDARIAK Eskoriatza-Luku zatiko irteeran elkarrizketatu genituen Patxi garraiolari bergarra eta Juan Manuel logroñoarra.

XABIER URTZELAI

"Autobide ederra da, eta orain doan, gainera; ea gero prezioa zelakoa den"

Segurtasunean eta erosotasunean irabazi da; hori da AP-1eko Eskoriatza-Luku zatiko lehenengo erabiltzaileek nabarmendu dutena. Hala esan zion GOIENKARIAri Patxi garraiolariak; era bere-

an, "Isuskitzako tunelean bazterrak estu samarrak" iruditu zitzaizkion. Juan Manuel errioxarra, bestalde, Bilbora bidean desbideratu egin zen AP-1 probatzeko; "ederra" iruditu zitzaion. > 02-03

AURKIBIDEA

Debagoiena > 04
Gutunak > 06
Elkarrizketa > 07
Herriak > 09-19
Kirola > 20
Kultura > 22-23
Saillatuak > 24
Gazteak > 26
Telebista-Irratia > 27
Zerbitzuak > 28
Berri-zakua > 29
Eskelak > 29
Non-zer > 30-31



Pazko jai osterarte

Oporrak hartuko ditugu apirilaren 15era bitartean. Hala, Asteleheneko Goienkariaren hurrengo zenbakia apirilaren 20an argitaratuko dugu eta GOIENKARIArena, 24an. Ordura arte, ondo izan.

JENDARTEA > TURISMOA

Eskaintza zabala oporraldia gurean igaroko dutenentzat

Aste Santu eta Pazko asteko oporraldia gurean ondo pasatzeko aukera zabala dago; eta halaxe erakusten du bailarako turismo bulegoetako eskaintza zabalak.

Bailara osoa ezagutu nahi duenak hainbat ibilbide eta monumentu bateratzen dituen bisita kontrata dezake. Bestalde, herri-

kako ordu bete inguruko bisita gidatuak ere badira, baita museo eta kobazuloetara bisita ere.

Eta hori gutxi balitz, Debagoienako gastronomiaren bidez ezagutzeko aukera ere eskaintzen dute ibarrek 16 jatetkek. Pella, odoloste eta gaztaz osatutako menuak prestatuko dituzte. > 04

KIROLA > FUTBOLA

Reala eta Athletic Bergaran

Zapatuan Realak eta Athleticcek gazte mailako torneoko partidua jokatuko dute Agorrosinen > 20

AZPIEGITURAK > AP-1 AUTOBIDEA

Ekainera arte doakoa da AP-1 autobideko zati berria: Luku-Eskoriatza

ARABAREKIN LOTURA Gipuzkoa eta Araba lotzen dituen autobide zatia, 17 kilometrokoa, astelehenean inauguratu eta zabaldu zuten

IA BUKATUTA AP-1 autobideak Arrasate-Eskoriatza zatia bakarrik falta du bukatuta egoteko, eta hori ekainean ireki nahi dute

LEIRE KORTABARRIA > ESKORIATZA

Lerro hauek argitaratu orduko, dagoeneko makinatxo bat debagoienarrek eta arabarrek estreinatuko zuten AP-1 autobideko azkenaurreko ireki duten zatia, Eskoriatza eta Luku lotzen dituen eta muga fisiko zein psikologiko bat gainditzen duena: historikoki Araba eta Gipuzkoaren artean egon dena. Erabiltzaile horiek, gainera, doan erabili ahal izango zuten –eta dute– zati hori, autobideko zazpigarren eta azken zatia zabaltzen den arte: Arrasate-Eskoriatza. Hori ekainerako aurreikusten da.

GOIENKARIAk erabiltzaile batzuekin berba egin du eta denek gustuko izan dute autobidea; batzuk hantxe ibiltzeko propio desbideratu egin dira, Errioxatik Bilbora bidean. Ikusmin handia piztu du AP-1en zati berriak, hortaz, eta ez bakarrik gure inguruan. Eskoriatzako sarrerako ordainlekuan, ibilgailuak geratu ere ez dira egiten, eta gero ere orduko 40 km-ra pasatu ahal izango dira, *tag* edo *on-board equipment* delako sistema duen lau ordainlekuetatik batetik pasatu gero; banketxeak emandako gailu bat eramanez gero autoak, sistemak hura detektatu eta kontu korrontetik zuzenean kobratzen du ordainsaria. Ordainleku horretan, orduko 1.000 bat ibilgailu hartzeko gai da autobidea; oso gaitasun handia, hortaz, Europako gorenean dagoena.

Astelehenean, Isuskitzako tunel barruan egin zuten inaugurazio ekitaldia. Juan Jose Ibarretxe jarduneko lehendakariari igarri zitzaion despedida kutsu antzeko bat bere hitzotan, baina "guztioi zorionak" ematea izan zen bere mezuaren muina. "Garraio

Lehenengo erabiltzaileek segurtasun neurriak, azkartasuna eta Isuskitzako tunela azpimarratu dituzte, GOIENKARIAk jasotako iritzietan

"Lanak ez dira bukatu: Eskoriatzan, Bidegik agindu zizkigun neurri zuzentzaile eta konpentsatzaileak betetzeko garaia iritsi dela uste dugu" dio Eskoriatzako alkateak

moderno behar dugu lehiakor izateko, eta ekonomia eta giza-garapen jasangarria izateko". Hori bai: "herri honen etorkizuna trena da", gogorarazi zuen.

"LANAK EZ DIRA BUKATU"

Gipuzkoako eta Arabako ahaldu nagusi Markel Olano eta Xabier Agirre ere izan ziren hizlari, eta baita Bidegiko ordezkariak ere. Agirre pozik azaldu zen "Debagoienak historikoki Gasteizekin duen lotura" AP-1ekin erraztu egin delako, eta egitura handi horrek "herria gorpuzten" duela. Olanok metaforaren bidea aukeratu zuen: "Ate batzuk ixten dira betirako, alegia, Gipuzkoa eta Araba banantzen zituen Arlabango ate edo oztopoia; eta baita gipuzkoarrok dugun fatalismoaren atea ere, Gipuzkoan dugun bananketa politikoaren erruz proiektuak garatu ezin ditugula sinistearen fatalismoa".

Bidegiko arduradun Borja Jauregik gogoratu zuen autobidearen lanok Gipuzkoako lurra beste maldatsua izan den historia izan dutela, eta "benetako sufrimendua" izan direla lanok behin baino gehiagotan. Hala ere, "egindako ahaleginaren saria da Debagoienari oraindik indartsuago garatzen lagunduko dion bide hau". Lanok egin dituzten guztiok eta, oro har, Deba arro osoa gogoz zoriondu zituen. "Obra izugarria" izan dela esan zuen Jauregik: hori irudikatzeko eman zuen honako datua, Gipuzkoaren aldetik bakarrik 275 milioi euro inbertitu direla.

Ahots kritikorik ere izan zen: Eskoriatzako alkate Pedro Lasagabasterrek, agintarion hitzak entzun ondoren, atsekabez esan zuen "guretako ez dela hain egun



Goian, ordezkari politikoak Isuskitzako tunelean; behean, hitzaldien une bat, bi ahaldu nagusiak.

HAINBAT DATU

- > **17 kilometro** luze da tarte osoa: 10,8 kilometro Eskoriatza-Isuskitzako tartean, eta 6,6, Luku-Etxabarri tartean.
- > **4 galtzada** ditu; Eskoriatza-Isuskitzakoak 7 metro zabal dira, eta Isuskitzakoak, 7,5.
- > **2,5 METRO** zabal dira kanpo-bazterbideak
- > **METRO 1** zabal dira barne-bazterbideak
- > **2 METRO** zabal da erdibitzailea Eskoriatza-Isuskitzako tartean, eta 9 metro, Isuskitzako-Luku tartean.
- > **%4,5** da gehieneko malda Eskoriatza-Isuskitzako tartean, eta Isuskitzako tunel barruan, berriz, %2,5.

ISUSKITZAKO TUNELA

- > **3 hodi** arteko lotura ibilgailuen pasabiderako.
- > **8 hodi** arteko lotura oinezkoen pasabiderako.
- > **81 kontrol kamera** (zirkuitu itxiko telebista).
- > **142 seinaleztapen** aldakorreko ekipo.
- > **247 bozgorailu**.
- > **46 haizagailu**.
- > **114 instrumentazio ekipo** (opazimetroak, CO-detektatzaileak eta beste batzuk) aireztapena kontrolatzeko.
- > **63 SOS zutabe** barruan, eta 4 kanpoaldean.



handia"; gaineratu du "lanak oraindik ez direla bukatu; asko falta" dela, eta Foru Aldundiari eskatu zizkion agindutako neurri zuzentzaileak bete ditzala -hainbat errepide konpondu, erreka-guneak eta natur-guneak berreskuratu, kaltetutako zerbitzuak birgaitu...- eta konpentsazio neurriak ere, itzulezinak diren kalteak konpentsatzekoak -herri-gunean aparkalekuak egitea eta kaltetutako auzoetan interes sozialeko lanetarako dirulaguntzak ematea.

ISUSKITZA, AP-1EKO IZARRA

Inaugurazioa egiteko tokirik erosoena izan ez arren, zati berriko eta autobide osoko leku esanguratsuenetarikoa bat aukeratu zuten arduradunek: Isuskitzako tunela. Euskal Herriko luzeena da, bere 3.377 metroekin; bigarrena baino dezente luzeagoa, gainera (Belatekoa da, N-121-A-n, 2.960 metroekin). Gipuzkoa eta Araba mendi azpitik lotzen dituen tunel hori egiteko lau urtean jardun dute jo eta su aldi berean 700 langile baino gehiagok; 3.000 eztanda baino gehiago eta 525.000 kilo lehergailu behar izan dira.

Isuskitzako tunela da AP-1eko edo, behintzat, Eskoriatza-Luku tarteko izarra, baina ez da azpiegitura ikusgarri bakarra; kontuan hartu behar da tarte horren erdia baino gehiago biaduktuak edo tunelak direla. Hala, Eskoriatzatik Isuskitzara arteko 10,8 kilometroetan, bost bidezubi daude: Marin (598 m), Zarimutz (480 m), Mazmela (404 m), Uztarreta (240 m) eta Apetzaga (108 m), eta Zarimuzko tunela (500 m). Isuskitzako tuneleko 2,1 km Gipuzkoan daude, eta beste 1,3ak, Araban. Bestalde, Isuskitzatik Lukurainoko tarteko zortzi kilometroetako egiturak ere ez dira txikiak: Luku tunela (620 m), Santa Engrazia bidezubia (106 m), Bentabarri bidezubia (85 m) eta Luku bidezubia (84 m).

Hamar urte badituzte Eibar-Gasteiz autobideko lanok, eta ia bost hartu dituzte Eskoriatza-Isuskitzako tartekoek. Dena ondo bidean, ekainean ikusiko dugu zabalik AP-1 autobide osoa.



...k Pedro Lasagabaster eta Inaxio Garro alkateekin, eta aurreksua.

LEIRE KORTABARRIA

GIDARIEN IRITZIAK




Anjel

Eskoriatzako irteeran, tramu berritik lehenengo aldiz ibili berri harrapatu genuen Anjel. Gasteiztik ibarrera "nahiko sarritan" etortzen dela esan zigun Anjelek, eta "oso-oso ondo" dagoela autobidea: "Denbora aldetik asko aurreratzen da, eta Gatzagako errebuelta horiek paretik kentzen dizkigu".



Mustafa

Inaugurazio egun berean, astelehenean, estreinatu zuten Mustafa eta lankideek Eskoriatza-Luku zatia, egunero etortzen dira-eta Debagoienara lanera, Miranda aldetik. "Lehen, denbora luzea behar genuen hona etortzeko; orain, 15 minutuan egin dugu". Oso gustura daude autobide berriarekin.



Michel

Madrilidik lehenengo aldiz etorri zen Michel garraiolaria. "Ez nekien autobidea berria zenik; TomTom-ak esaten didan bidea hartzen dut", esan zigun; behintzat orain sistema horiek existitzen den errepide batetik bideratuko dituzte gidariok. Isuskitzako tunelak harritu zuen: "Primerakoa da; hori bai, koberturarik ez du".

Goienkaria

astelehenean, aste bukaera osoa

Harpidedunen txokoa

SARI NAGUSIAREN IRABAZLEA



Jose Luis Carnicero (Bergara)

Apirileko zozketa

Sariak irabazteko

HARPIDETU!

Tel.: 943 08 10 50

harpidetza@goiena.com

Kuota: 40 euro

SARRERAK



Bruesa-Ricoh Manresa partidurako sarrerak. BIDALI AG BRUESA 5533 zkra

KAMISETA+DVD

DANBAKA))))

Danbakako kamiseta eta DVD bat. BIDALI AG DANBAKA 5533 zkra



KAMISETA

skunkfunk

Skunkfunk kamiseta bat. BIDALI AG KAMISETA 5533 zkra.



PEN-DRIVE

Goienako Pen-Drive bat. BIDALI AG PENDRIVE 5533 zkra.



SARI NAGUSIA

PARTE-HARTZAILE GUZTIEN ARTEAN ZOZKETATUKO DA BELAONTZI BATEAN IRTEERA HONDARRIBIATIK



JL Abuin
25 urte masajeak ematen.
Tel. 635 165 232

SMSaren kostua: 0,60 euro + BEZa dei bakoitzeko. Indarrean dagoen LOPD 15/1999 legearen arabera, jakinarazten dizugu zure datu pertsonalak Goiena Komunikazio Zerbitzuaren fitxategi automatizatu baten sartuko direla. Datu-bilketa honen helburu bakarra da indarrean dagoen sustapena gestioztatzea. Eskubidea izango duzu datuotari sartzeko, hailer zuzentzeko edo ezeztatzeko, helbide honetara idatzita: harpidetza@goiena.com

Aurretik Bergara eta Arrasaten zeuden gurasoendako aldizkariak osatzera dator 'Gurasoak'

0 eta 18 urte bitarteko seme-alaben heziketan lagungarria izan daitekeen informazioa helarazi nahi da

NEREA MENOR > BERGARA

Gurasoak izeneko aldizkaria kaleratu berri dute Arrasate, Aretxabaleta, Eskoriatza, Leintz Gatzaga, Antzuola, Bergara eta Elgetako udalek. 0-18 urte bitarteko seme-alabak dituzten gurasoei zuzenduta dago eta haien postontzietan banatuko da apirilean zehar. "Banaketa egun ezberdinetan egingo da, herriaren arabera", diote Arrasateko Udalean. Orain arte Arrasaten eta Bergaran argitaratu izan diren *Gertutik* eta *Aurrera Begi-*

ZERBITZUAK > 'GURASOAK' ALDIZKARIA

Debagoieneko udal gehienek 'Gurasoak' prebentziozko aldizkaria kaleratu berri dute

ra aldizkariak osatzera dator eta eskualde osora zabalduko da.

Proiektu horrekin, prebentzioaren arloan pauso bat gehiago eman nahi dutela adierazi dute udalek. *Gurasoak* aldizkariak "seme-alaben heziketan

lagungarria izan daitekeen informazioa helarazi nahi die gurasoei; besteak beste, garapen pertsonala sustatzeko gaiak eta guraso hezitzaile lanean eraginkorrak izateko baliagarriak izan daitezkeen hainbat estrategia", diote

Debagoieneko udalek. Informazioa helarazteaz gainera, partaidetza sustatu nahi dute. Gurasoek seme-alaben heziketaren gainean izan ditzaketen zalantzak eta kezkek argitzeko tresna gisa erabili nahi dute aldizkaria: "Partaidetzari atea ireki nahi dizkio", diote.

INFORMAZIO ASKO

Informazioak atal ezberdinak ditu: prebentziorako materialari buruzko aipamenak; gurasoen galderak –posta elektronikoko bidez bidaliko direnak–; adituei egindako elkarrizketak; udaletan gurasoentzat antolatzen diren ekintzak; eta gogoeta gai orokor bat, bukatzeko. Gainera, hiru adin-tartetan banatuko dute informazioa.

DATUA

7

HERRITAN BANATUKO DA

Arrasaten, Aretxabaletan, Eskoriatzan, Leintz Gatzagan, Bergaran, Elgetan eta Antzuolan banatuko da *Gurasoak*. Oñatin, *Familixan*, herriko aldizkaria, banatzen jarraituko dute.



Lehenengo zenbakia.

GOIENKARIA

DIPUTAZIOA

Errenta aitortpena kanpaina hastear da

GOIENKARIA > BERGARA

Gipuzkoako Diputazioak ondorengo egunotan abiaraziko du errenta eta ondarea aitortzeko kanpaina.

Autolikidazio proposamenak onartzeko epea astebete barru hasiko da eta maiatzaren 8a arte egongo da zabalik. Errenta mekanizaturako hitzordua apirilaren 20tik ekainaren 12ra eskatu behar da; eta aitortpenak aurkezteko epea apirilaren 21etik ekainaren 25era izango da. Edozein kontsulta egiteko honako zenbakira dei dezakezue: 902 10 00 40.

Aldundiak ahalegin berezia egin nahi du aurten iruzurraren kontra. Iaz, guztira, 335,7 milioi euroko iruzurra azaleratu zuten.



Astehenean Arrasaten egin zuten deialdiaren berri, Aralarreko, EAko eta ezker abertzaleko hainbat zinegotzik.

GOIENKARIA

OSPAKIZUNAK > ABERRI EGUNA

Deialdi bateratzailea egin dute Aberri Eguna ospatzeko

Ezker abertzaleak, Eusko Alkartasunak eta Aralarrek agiri bateratzailea egin dute Irunen ospatuko den Aberri Eguna joateko

N. M. > ARRASATE

Domekan ospatuko da Aberri Eguna. Horren harira, ezker abertzaleko, Eusko Alkartasuneko eta Aralarreko ordezkariak deialdi bateratzailea egin dute aurten.

Aberri Eguna Irungo Ficoba erakustazokan ospatuko da, 11:30ean hasita. Ibilaldiak Santiagoko zubia zeharkatuko du eta Hendaia Gatzelu Zahar fron-

toira helduko da. Bertan antolatu dira eguneko gainerako ekintzak: hitzaldia, bazkaria, erromeria eta beste.

AGIRI BATERATZAILEA

Amets Arzallus bertsolariak idatzi du Aberri Egun bateratzailearen agiria, *Mugak eta Zubiak* izenburupean. Bertan, Aberri Eguna aipatzen du: "Hala dugu

guk ere gure eguna, egun bat gure herriarena, herri txiki bat garen arren, iristen baitzaigu lurra zangoetaraino". Baita aberria bera aipatu ere: "Hizkuntza baten lurra da gure eremua, itxiturarik gabea, kultura berezi baten kolore guztiak dituen lurra, erreka zeharkatuta, eta zazpi begiko zubi bat, sentimendu baten sorburua". Amaitzeko, zerurik ez, baizik eta zoru txikia eskatzen du agiriak: "Gure egunean, azken urteotako bidean, Santiagora goaz berriro, errores. Ez dugu zerurik eskatzen, zoru txiki bat baino ez".

TURISMOA > ASTE SANTUA IBARREAN

Eskaintza zabala Aste Santua Debagoiengan igaroko dutenendako

Museoek, mendiek, monumentuek eta gastronomiak etxean gelditzera gonbidatzen gaituzte Aste Santuan

N.M. > BERGARA

Geroz eta gehiago dira Aste Santua etxean igarotzen duten debagoiendarrak. Hala ere, etxean ongi pasatzeko aukera badagoela erakusten digute turismo bulegoetako eskaintzek.

Bailara osoa ezagutu nahi duenak hainbat ibilbide eta monumentu bateratzen dituen bisita kontrata dezake.

Bestela, herririk herri badago museo eta natura ibilbide eskaintza zabala. Leintz Gatzagan, esaterako, eskualdeko barazki eta fruta kontserbagintza bisita daiteke, baita gatz museoa ere. Mendia gustuko dutenak, berriz, Dorletako Santutegira igo daitezke edota mendia ibilbideak aukeratu.

Oñatin, Arantzazuz gain, herrian zehar sakabanatuta dauden monumentuak ikus daitezke, eta baita Arrikrutze-kobak ere.

PAINTBALLA ETA SEGWAYA

Ohiko ekintzez aspertuta daudenentzat, aldiz, paintballa eskaintzen da Arrasaten eta

segway ibilbideak antolatzen dituzte Eskoriatzan.

Oraindik ere, hil amaiera arte, bailara gastronomiaren bidez ezagutzeko aukera dago jardunaldi gastronomikoekin. 16 jatetxetan, pella, odoloste eta gatzaz osatutako menuak prestatuko dituzte. Aste Santua dela eta, hainbat jatetxe itxi egingo dituzte; beraz, alde zehar aurretik deitzea gomendagarria litzateke.

Ordutegiak

OÑATI

> Turismo Bulegoa: 10:00-14:00 eta 16:00-19:00.

> Bisita gidatuak egunero: Unibertsitatean: 11:00-14:00 eta 16:00-19:00. Unibertsitate eta parrokiak: 12:00etan eta 17:00etan.

ARANTZAZU

> Debagoieneko Turismoa: 10:00-14:00 eta 15:00-18:30. > Bisita gidatuak, bulegotik: 10:30, 11:30, 12:30, 16:00 eta 17:00etan.

BERGARA

> Turismo Bulegoa: Astelehenerdik zapatara: 10:30-14:00 eta 16:30-19:30. Domeketan: 11:00-14:00. > Bisita gidatuak, bulegotik: 11:30etan eta 17:00etan.

LEINTZ-GATZAGA

> Turismo Bulegoa: 10:00-14:00 eta 17:30-21:00. > Bisita gidatuak: 12:00etan eta 13:00etan.



AP-I berriak Arlaban zulatu eta Gipuzkoa eta Araba elkarrengana hurbildu ditu

...eta orain gertuago daukagu **Foru Aldundia** eraikitzen ari den "Gipuzkoako biribilgunea", sare integratu bat osatzen baitute errepide handi hauek:

- **Urumeako autobia**
- **Donostiako 2. ingurabidea**
- **Beasain-Bergara ardatza**
- **Eibar-Gasteiz autobidea (AP-1)**

Gipuzkoar guztiok elkarrekin konektatuko gaituen biribilgunea

Gipuzkoa, zurekin aurrera.



Gipuzkoako Foru Aldundia
Diputación Foral de Gipuzkoa



BIDEGI
GIPUZKOAKO AZPIEGITUREN AGENTZIA
AGENCIA GUIPUZCOANA DE INFRAESTRUCTURAS

Aurtengo Aberri Egunari begira

Julia Monge, Juan Ramon Garai, Natahy Pelage, Joxe Iriarte Bikila (Gorripide ildoak-Zutik-eko kideak) Arrasate

Aldaketa eta burujabetzaren alde, Euskal Herriko zazpi herrialdeetako 80 herritarrek 2009ko Aberri Eguna modu bateratuan ospatzeko deia zabaldu dute. Asmoa guztiz jatorra eta txalogarria iruditzen zaigu. Egia esanda, urteak joan eta urteak etorri, aspalditik gabiltza antzeko asmoak aldarrikatuz nork bere modu eta afanean. Alabaina, aurtan, ezin utzi aipatu gabe jasaten ari garen krisiaren nondik norakoa eta horrek burujabetzaren arloan zer-nolako eragina duen. Eta nola ez, ezin ahaztu, gure gizarteak jazartzen duen, mota guztietako, zoritxarreko biolentziaren arazoa. Horregatik burutazio hauek:

1. Izan ere, euskaldunok ez gara burujabeak, gure izaera nazionala ukatzen eta galarazten dizkiguten bi Estatu desberdinen menpe gaudelako. Baina, baita ere, bi Estatu horien

gaindi dagoen mundu-sistema kapitalistan, ez gu ez inor — inperioek izan ezik — ezin delako guztiz independentea izan kapitalaren tiraniatik askatu gabe. Hots sozialismoa lortu gabe.

Beraz, aurtan, Aberri Eguna eta Maiatzaren Lehena, abertzaletasuna eta internazionalismoa, Greba Orokorrarekin bat egin behar dugu.

2. Mundu petrala gurea: Etekinaren izenean, kapitalistek alferrikako merkantzien eta merkantzia arriskuaren gain-produktzioa antolatzen dute, eta bitartean planetako biztanleen 3.000 milioitik gora, gizadiaren erdia bada, egunero euro bat baino gutxiagorekin ez-moldatu beharrean dago. Mila milioi pertsona auzo txiroetan bizi dira eta 970 milioi gaizki elikatuak daude. FAOren zuzendariak azaldu duenez, nahikoa lirateke 15 urteetan 20.000 milioi dolar urtero jatekoa ziurtatzeko, baina ehunka milioi dolar espekulatzaileak irentsiak dira hondotik atera daitezela.

Negutegi efektuak sorrarazten duen gas kontzentrazioa klimaren berotzera eraman du jadanik eta goraka doa joera,

non eta aurreikuspenak zoratzen diren, eta itzulerarik gabeko puntutara eta kontrola ezinezko desorekara azkar iritsi gaitezkeela pentsatzen da. Ondorioak jadanik hemen ditugu eta larriagoak izan daitezke: uholdeak batzuentzat, idorteak besteentzat, ekaitz suntsigarriak, bizidun espezieen, eta gorantz doaz kopuruak, desagertzea, bio aniztasuna erraustia, nekazaritzako krisiak. Produktibismo kapitalistak berarekin dakar, airearen, uraren eta nekazal ekoizpenen kutsaduraren bidez, gizakien osasunaren degradazioa.

Eta gure "mandatariek", azpiegiturak, azpiegiturak eta azpiegiturak! leloa behin berriro errepikatuz.

Kapitalaren nagusigoak dakarren hondamendiak egunerokotasun osoa ematen dio "sozialismo edota basakeria" hautaketari. Gure herri honek etorkizuna izan nahi badu mundu guztiarekin izango du, ala ez du izango.

3. Herri guztiak dira pluralak, gurea barne. Barne aniztasun onarpenak gure nahia ez absolutizatzeraz garrantzua, bestelako nahiak ukatu eta

arriskuan jarri gabe. Baina, era beran, gaurko marko estataltaren barruan gustuko egoeran aurkitzen direnen aldetik beste horrenbeste eskatzen dugu. Alegia, erabakitze eskubidearen aldeko ezein mugimendu demokratikoaren aurrean gutxiengo batek ez dezala blokeatu eta ez betoa jarri exijitzen dugu.

Nola egiten da hori? Gure ustez, autodeterminazio eskubidearen bitartez. Eskubide honek, ez baitu alde aurretik suposatzen hautaketa jakin bat (Euskal Herriko independentzia edo Espainiako batasun trinkoa), euskal gizartearen barne arazoak askatasun osoz erabakitzeko duen adin nagusitasunaren onarpena baizik. Beste modura esan da. Errealitate nazional desberdinen arteko gatazka demokratikoki bideratzeko, eta gizarte kohesionatu, integratu eta bere pluraltasuna begirunez ikusten duen gizarte bat lotzeko modu arrazoitsua baita. Eta aukera hori ukatzea inposaketa da.

4. Bortxak eta inposaketak ez du tokirik gurean. Ezta ETArena ere. Heldu da garaia, ETari eta Gobernuari, alde bakoitzari duen erantzukizuna-

ren arabera bereak eskatzeko. Zerbaitetan independenteak izateko beharrean baldin bagaude, auzi honetan gaude. Delako herriak, gizarteak, herritarrak hitz batez, bere esku hartu nahi badu gatazkaren konponketa, bere klabe propioetan mugitu behar da. Zenbat eta sufrimendu gutxiago, alferrikako biolentzia gutxiago eta erreprezio gutxiago.

Aipamen berezia merezi eta gure gaitzespen erabatekoa emakumeen gizonetik mendetasun-harremanak eta horren ondorio mingarri eta odoltsu den genero indarkeria. Biolentzia mota hori ezabatu gabe, nola eraikiko dugu gizon eta emakume librean aberria askea? Ezin! Gora Euskadi Sozialista!

OHARRA

Aste Santuko oporrak direla eta argitaratu dugu gaur, eguaztana, GOIENKARIA. Hurrengo apirilaren 24an kaleratuko dugu. *Asteleheneko Goienkaria*, baina, hilaren 20an argitaratuko dugu.

IRAKURLEAREN GUTUNAK Orrialde honetan ahalik eta gutun gehien kabitze aldera, ez da komeni 1.900 karaktere edo 50 lerro baino gehiagoko gutunak bidaltzea. GOIENKARIAK eskubidea du gutuna laburtzeko. Gutunarekin batera bidali beharko dira datu hauek: egilearen izen eta abizena, herria eta harremanetarako telefonoa. Egilearen izen eta abizenarekin argitaratuko dira gutunak.



Barrenkalea 33
20570 BERGARA



Telefona:
943 25 05 05



Faxa:
943 25 05 12



Posta elektronikoa:
goienkaria@goiena.com

Goienkaria

Argiraratzailea Goiena Komunikazio Zerbitzuak Kooperatiba Elkarteak • Nafarroa etorbidea 2 • 20500 ARRASATE

Lehendakaria Estepan Plazaola Zuzendari nagusia Inazio Arregi

Zuzendaria Eneko Azkarate Erredaktore burua Monika Belastegi Saietako arduradunak Edu Mendibil (Herriak), Xabi Urtzelai (Kirola), Iñaki Iturbe (Diseinua), Mireia Larrañaga (Publizitatea) Erredaktarioak Ubane Madera, Iker Barandiaran, Mirari Altube, Mirian Biteri, Larraitz Zeberio, Arritxu Barruso, Jasone Zabala, Mireia Bikuña, Arantzazu Ezkibel, Irati Agirreazaldeggi, Oihana Elortza, Jokin Bereziartua, Nerea Menor Oinarritzko diseinua Goio Arana Maketazioa Imanol Soriano, Oxel Arrieta Publizitatea Mireia Larrañaga, Amaia Mundiñano, Ziortza Martín, Itxaso Berezibar, Aintzane Muruamendiarrak Testuen zuzenketa Sergio Azkarate Harpidetza eta banaketa Marta Leturia Administrazioa Agurtzane Gaintzarain, Ane Berezibar, Iratxe Bengoa.

EGOITZA NAGUSIA

BERGARA 20570 Barrenkalea 33 • Tel.: 943 25 05 05 • Faxa: 943 25 05 12
Posta-e: goienkaria@goiena.com

ORDEZKARITZAK

ARRASATE 20500 Otarola Lizentziaduna 31 • 132 p.k. • Tel.: 943 25 05 05 • Faxa: 943 25 05 00
Posta-e: arrasate@goiena.com

ARETXABALETA 20550 Durana 11 • Tel.: 943 79 86 21 • Faxa: 943 77 18 54
Posta-e: aretxabaleta@goiena.com

Publizitatea Arrasate 20500 Nafarroa etorbidea 2 • Tel.: 943 25 05 05 • Faxa: 943 25 05 09
Posta-e: publi@goiena.com

Harpidetza Arrasate 20500 Nafarroa etorbidea 2 • Tel.: 943 08 10 50
Posta-e: harpidetza@goiena.com

Lege Gordailua: NA-3329/2000 • ISSN: 1577-1210
Tirada: 19.400 ale • Difusioa: 19.056 ale.



OJD erakundeak ikuskatutako astekarria

LAGUNTZAILEAK



Eusko Jaurlaritza



Gipuzkoako Foru Aldundia



Arrasateko Udala



Begarako Udala



Oñatiko Udala



Aretxabaleko Udala



Eskoriatzako Udala



Antzuolako Udala



Aramaioko Udala



Elgetako Udala



Leintz Gatzagako Udala



75 dendatik eta
200 produktutik gora.
Debagoieneko
denda handiena.
Etxetik bertatik eskura.

MERKATUA.net Debagoieneko denda



Angel Ipiña (Arrasate, 1948) teizko San Viator eskolan irakasle da. Egun, Derrigorrezko hirugarren eta laugarren mailako neska-mutikoei erlijio eskolak ematen dizkie. Horren harira, gazteek Aste Santua nola bizi duten kontatu digu ondorengo lerroetan.

Angel Ipiña > Apaiza

"Aste Santua kristau fedearen muina da; alegia, kristau garenon 'Aste Nagusia'"

A. EZKIBEL/ M. BIKUÑA > ARRASATE

Bihar hasiko da Aste Santua, eta domekara arte askotariko elizkizunak egingo dituzte ibarreko elizetan eta monasterioetan. Aste Santuaren jatorriaz, esanahiaz, ohiturez eta urte hauetan izan dituen aldaketaz egin dugu berba Angel Ipiña Arrasateko apaizarekin.

Ze esan gura du Aste Santuak? Ze ospatzen da?

Pazko ospakizunaren jatorria israeldarrek udaberriari ospatzen zuten jai batean kokatu behar dugu: Pexah izeneko jaiari, hain zuzen ere. Pexah hitzak *igartzea*, *jauzi egitea* esan nahi du.

Udaberriaren hasieran artzainek eta nekazariak zituzten ohi-turetatik dator jai hori. Udaberri hastean, neguko larreetatik udako larreetara joan aurretik, bildotsari lepoa mozten zioten artzainek eta haren odolaz kanpalekua zipriztindu egiten zuten, gaitzak eta ezbeharrak kanpalekuen eta artaldearen gainetik *jauzi* egiteko, kalterik egin gabe. Nekazariak, berriz, lehenengo gari aleak hartu eta legamiarik gabeko ogia egiten zuten, legamia zaharra bota ondoren. Egipton esklabo zirela, Jaunak askatu egin zuen bere herria morrontzapatetik. Askapen hura erabatekoa izan zen israeldarrek Itsaso Gorrian zehar oinak busti gabe igaro zirenean eta egiptoarren gudarostea urpean galdu zenean. Gertakari nagusi hori ospatu ohi dute israeldarrek Pazko jaiari.

Kristauendako Pazko jaiak esanahi berezia du: Jesus heriotzatik piztuerara igaro dela ospatzen dugu. Hau da, Salbamena-ren Historiako gertakari handiena da, historia osoaren gailurra. Gertakari nagusi hori, ebanjelioek diotenez, juduen Pazko jaiaren inguruan izan zen. Aste Santuan Jesus gure Jaunaren heriotza eta piztuera ospatzen dugu, kristau fedearen muina eta oinarria. Aste Santua kristauon *Aste Nagusia* da.

Gure ibarrean sustraituta dagoen ospakizuna da?

Egun hauetan, Gabonetan gertatzen den moduan, inoiz baino jende gehiago ikusten da elizetan. Urteko gainerako igandetan mezara joateko ohiturarik ez duen jendea ere hurbiltzen da egun hauetan elizara, elizkizun batera edo bestera. Erramudomekako eta Pazko-domekako elizkizunek jende asko erakartzen dute.



Angel Ipiña apaiza.

GOIENKARIA

Aste Santuko liturgia ezberdina da, asko zaintzen da-eta. Era berean, parroketako koruek parte hartzen dute elizkizunetan. Egia esan, denak laguntzen du ospakizunak edertzen.

Badaude kofradia ibarreko herrietan?

Nik dakidanez, bakarra edo bakarrenetarikoa Oñatin dago; hain zuzen ere, Sakramentu Santuaren kofradia. Horko kideek kapa beltz batekin parte hartzen dute hainbat elizkizunetan. Gainera, orain dela gutxira arte Vera Cruzeko kofradia ere bazegoen.

Bestalde, ez dakit prozesiorik egiten den Debagoieneko herrietan. Eskoriatzan hainbat urtean elizan bertan egin dute prozesioa Egubakoitz Santuko elizkizunetan; hain justu ere, Jainkoagurtu aurretik. Duda barik, une hunkigarria da kristau askorendako.

PARTE-HARTZEA

"Igandetan mezara joaten ez direnek Aste Santuko elizkizunetan parte hartzen dute"

OHITURA

"Gaztetan elizarik eliza ibiltzen ginen hango santuak ikusi eta otoitz egiten"

GAZTEAK

"Gazteek jakin beharko lukete Aste Santua zer den, gure kulturako parte nagusia da-eta"

Ze sinbologia erabiltzen dituzte prozesioetan?

Gehienek lotura estua dute Jesusen bizitzako azken uneekin: azken afaritik hasi eta Jesusen gorpua gurutzetik jaitsi arte.

Asko aldatu da Aste Santua ospatzeko modua azkeneko urteetan?

Egia esan, ez da askorik aldatu. Ni San Isidro elizan meza-mutil nenbela lan asko egiten genuen. Umetan Aste Santuko egunetan kaleko giroa serioagoa zen. Bestetik, elizarik eliza ibiltzen ginen santuak ikusi eta otoitzean. Dena den, garai haietan ez ziren gurutze-bideak egiten kalean, egun Arrasaten eta Aretxabaletan egiten diren moduan.

Gaurko gazteek badakite zer ospatzen den Aste Santuan?

Denetarik dago. Dena den, Aste Santua gure kulturako par-

te da, eta alde horretatik zer den jakin beharko lukete. Batzuk Jau-nartzea egin aurretik katekesian ibilitakoak dira. Kristau katolikoak izan eta Elizarenganako atxikimendua duten gazteek badakite zer ospatzen dugun.

Badago lehen egiten zen ospakizunik gaur egun galduta dagoena?

Urte batzuetan Gazte-Pazkoak ospatu genituen Mendiolan. Ia 200 gazte eta gaztetxo biltzen ginen lau egunez hango zelaietan. Otoitzaldiak, taldeko lanak eta hausnarketak eta elizkizunak egiten genituen. Eskertzekoa zen mendiolarren harrera, lau egunez *okupa* modura ibiltzen ginen eta elizan eta zelaietan. Orduko kritika zen gazteak Pazko-hirurrena euren kristau elkarteekin ospatu beharrean Mendiolara joaten zirela, eta elkarte sena galtzen zela. Hura amaitu egin zen, eta, zoritxarrez, gazte asko ez ziren parroketan txertatu.

20 urte baino gehiago pasatu dira eta Eskoriatzako parrokiari mantendu egiten da topaketa haietako une garrantzitsuenetako bat: gurutzearen inguruko otoitzaldia. Aurten ere 21:00etan bilduko gara Eskoriatzako parrokiari, eta garai batean Mendiolan egondakoak hurbiltzen dira.

Gurean, ze prozesio ikusteko aukera dago?

Nik dakidanez, ez dago prozesiorik Debagoienean.


Ibarrean ez, baina beste toki batzuetan eskaintza turistiko bihurtu dira prozesioak. Ze iritzi duzu?

Eskaintza turistikoa izan daiteke turista moduan doanarendako. Ez dut uste partaideendako hori denik arrazoi nagusia; alegia, prozesioa eskaintza turistiko bihurtzea. Baina denetarik egongo da. Dena den, halako prozesioetan parte hartzen duten askok arrazoi erlijiosoengatik egiten dutela uste dut.

Kofradia batzuek abortuaren aurka daudela erakutsiko dute prozesioetan.

Abortuaren gaia nahiko serioa da arinkeriak ibiltzeko, ertz askoko gaia da-eta. Gai hori ezin da planteamendu ideologiko hutsetara murriztu. Erakunde bakoitzak ikusi beharko du nola kudeatzen duen izan ditza-keen barne gatazkak, gai honi edo beste bati buruz.

Debagoieneko GREMIOAK



ARROZTEGIAK

AZKARATE AROZTEGIA

Bergara
 • Ateak, leihoak, horma-armairuak, tarimak, parket flotatzaileak, sukaldeak
 • K-21
 Telleria 19 B02-B03
 T: 943 76 47 19 / 610 88 40 20
 www.goiena.net/blogak/azkarate

ELEKTRIZITATEA

AITZORROTZ ELEKTRONIKA

Aretxabaleta
 • Telebista, audio eta bideoa Salmenta eta konponketa
 • Instalazio elektrikoak
 • Atezain automatikoak
 • Antena kolektiboak
 Otalora 14
 T: 943 79 16 10
 F: 943 79 16 10

ARANZABAL KOOP. E.

Arrasate
 • Instalazio elektrikoak
 • Antena kolektiboak
 Zerkaosteta 15
 T: 943 79 68 21 / 670 57 53 83
 F: 943 79 68 21

ARETXARGI

Aretxabaleta
 • Instalazio elektrikoak
 Belorrieta 15 behea
 T: 943 532 628 / 645 734 032
 F: 943 532 629
 aretxargi@euskalnet.net

BELLIDO ELEKTRIZITATEA

Oñati
 • Erreformak orokorrean
 • Marka guztietako etxetresna elektronikoen konponketa
 Kale zaharra 60 - 3 erd.
 T: 943 78 23 10 / 615 74 94 94

RELE

Eskoriatza
 • Instalazio elektrikoak
 Santa Ana 12 eta 17
 T: 943 71 41 65 / 943 71 41 12
 F: 943 71 41 65 / 943 71 41 12

ERAIKUNTZAK

ARRASATE ERAIKUNTZAK SL

Arrasate
 Meatzerreka auzoa
 T: 943 77 12 26 / 659 67 17 59
 e.arrasate@euskalnet.net

FRIXI ERAIKUNTZAK

Eskoriatza
 • Hormigoizko estruktura eta urbanizazioak
 • Kontratak
 • Enpresen mantentze-lanak
 Intxartxueta 5
 T: 943 71 55 15 / 629 51 39 22
 F: 943 71 55 15

ITURGINTZA

ARETXABALETA ITURGINTZA

Aretxabaleta
 • Sukalderako eta bainugelarako altzariak
 Santa Kurtz 24, behea
 T: 943 79 17 53
 F: 943 79 17 53

EGIA ITURGINTZA

Arrasate
 Gipuzkoa etorbidea 39, behea
 T: 943 77 01 85

IMANOL ITURGINTZA

Arrasate
 • Iturgintza
 • Berogailua eta gasa
 • Bainugelak
 Kale Txiki 9 behea
 Tel.: 943 79 05 95 / 609 67 96 15

OYANGUREN ITURGINTZA

Eskoriatza
 • Iturgintza eta gasa
 • Berogailuak eta petrolio-produktuak
 • Klimatizazioa
 Aranburuzabala 15
 T: 943 71 47 14 / 606 007 369
 f.oyanguren@ctv.es

TXORROTA

Arrasate
 • Berogailua eta gasa
 • Galdarak aldatzea
 • Obra integralak
 • Zaharberritzeak
 Bolibar dokorea 5, behea C
 Tel: 943 77 17 13 / 607 26 04 17
 F: 943 77 17 13

URKO MANTENIMIENTO SL

Aretxabaleta
 • Instalazioen mantentze-lan guztiak
 • Berokuntza eta gasa
 • Aire girotua eta haizeztatzea
 Basabe industrialdea B-3
 T: 943 77 19 88
 F: 943 79 59 97

VALES ITURGINTZA

Aretxabaleta
 • Hargintza lanak
 • Bainugelako altzariak
 • Berogailuak
 • Erretenak ipini eta garbitzea
 Santa Kurtz 7, 3. ezk.
 Tel.: 620 178 046

LEIHOAK

ARGI-PLASTIC

Arrasate
 • PVC leihoak
 • Aluminio termikoko leihoak
 • Poliuretanozko leihoak
 Zigarrola 1- 8 pab.
 Tel: 943 77 11 30 / 943 79 62 18
 F: 943 77 11 30 / 943 79 62 18

ION LEIHOAK

Arrasate
 • Metal aroztegia, PVC eta aroztegia
 Debagoiena Industrialdea 11. pabilioia
 T: 943 79 11 35
 F: 943 77 31 20

YOSU THERMIK

Arrasate
 • Lehi eta ate isolatzaileak
 • PVC leihoak
 • Aluminio termikoko leihoak
 • Aroztegi mistoa (aluminio-egurra)
 Kataide poligonoa 4 Pab.
 Tel: 943 77 01 57
 F: 943 77 03 21

IZBAR

BERGARA
 • Leiho eta ate isolatzaileak
 • Aluminio termikoak, PVC mota ezberdinak
 • Kontraleiho errustikoak eta mallorkinak
 • Horma apaingarriak barrualderako eta imitazioak harri eta marmolean.
 San Lorentzo industrialdea,
 Urarte kalea 20
 Tel: 943 79 69 91

LOREZAINZTA

MAKAI KOOP. ELKARTEA

Aretxabaleta
 • Barruko zein kanpoko lorezaintza
 • Ureztatze sistemak
 • Loreontzi-euskarriak eta balkonerak
 Basabe poligonoa D-2-1
 Tel.: 943 79 78 45 / 616 96 57 98
 F: 943 79 78 45

MARGOAK

APAIN MARGO ETA APAINKETA

Arrasate
 • Pintura orokorrean
 • Pareztatzeak
 • Errotulazioa
 Maitena 3-1.
 Tel.: 943 79 61 56 / 689 04 91 17

Herriak

Arrasate > 14-15 Bergara > 19-23 Aretxabaleta > 24-26 Oñati > 27
Eskoriatza > 28-29 Antzuola > 30 Elgeta > 31 Aramaio > 32 Gatzaga > 33



> **ARRASATE**
Zerkaosteta
kaleko azken
lanak bukatu
dituzte > 10



> **BERGARA**
Arrizuriagaren
truke Seminarioa
eskatuko du
Udalak > 12



> **ARETXABALETA**
Airearen
kutsadura
neurtzen dihardute
berriro > 15



> **ESKORIATZA**
Estatuko
Fondoarekin
ordaindutako
lanak, abian > 16

BERGARA > AZPIEGITURAK

Bergara eta Antzuola herritarren parte-hartze gune baten izango dira

GI-631 ERREPIDEA

Antzuola eta Bergara ukitzen dituen Azkoitia eta Urretxu arteko bidea da eztabaidagai

GEHIAGOTAN

Ibarreko bi udalek eskatu diote Aldundiari parte-hartze ekimen "gehiago" antolatzeko

LEIRE KORTABARRIA > BERGARA

Bergarako eta Antzuolako udalek onartu egin dute egunotan Gipuzkoako Foru Aldundiak proposatutako NIP edo herritarren parte-hartze eta iritzi-emate gune baten izatea. Gaia da bi udalerri lurrak zeharkatzen dituen GI-631 errepidea eta berorren etorkizuna; Bide Azpiegitura Sailak hainbat aukera aurreikusiten ditu errepide horretarako, eta 50 herritarren ikuspuntuak batu nahi ditu.

Hori bai, Foru Aldundiaren eskemari hainbat aldaketa proposatu dizkiote; bi udalek aldaketa berberak proposatu dituzte. Hauek dira proposamenok: bate-tik, herritarrek hartzen duten erabakia loteslea izan dadila (oraingo formulazioaren arabera, ez da hala), eta gogorarazten dute honakoa: "Debagoienean badaukagu NIP deiturikoen esperientzia, Eibar-Gasteiz autobidearen proiektuarekin jarri ziren martxan eta hiritarrek lan eta ahalegin handiak egin ondoren, ez zituzten beraien proposamenak ezertarako aintzat hartu"; bestetik, euskaldunon eskubideak berma daitezela prozesu osoan; hirugarrenik, NIPeko partaideen erdiak emakumeak izan daitezela; eta, azkenik, "herrialdearentzat eta gure herriarentzat garrantzitsuak eta estrategikoak diren gainontzeko proiektuetan parte-hartze prozesuak abiatu ditzala". Horiek komentatzeko batzartzeak ziren atzo, martitzena, Bergarako alkatea eta Foru



GI-631 errepidea, Bergarako Elosu auzotik.

JOSETXO ARANZABAL

KONTUAN HARTZEKO

Postontzia, iritzia emateko beste modu bat

NIPa zelan sortu eta bideratu Mondragon Unibertsitateak diseinatu du, eta, arduradunen esanetan, eurek aurreikusitako epeak betetzen dabilta. Horrela, oraingo astean da aukeratzekoa Udal bakoitza, zozketa bidez, NIPean parte hartuko duten (eurak ados egon ezker) herritarrek. Foru Aldundia jarriko da eurekin harremanetan. Handik gutxira, apirilaren 14an hasi eta hilaren 28ra arte, udaletxeetan eta Interneten, postontzi pertsonal bat eta birtual bat ipiniko dute, herritarrek euren proposamenak bota ditzaten. Hizlari gisa parte hartzeko aukera du edozein herritar edo taldek, eta horiek euren datuak utzi behar dituzte postontzian. Postontzi birtuala etengabe egongo da zabalik. Beste tramite batzuk egin eta gero, pauso garrantzitsuena, herritarren batzarrak, maiatzaren 9an hasiko dira: egun horretan, errepidean bisita gidatua izango dute, eta maiatzaren 12tik ekainaren 10era, bi taldetan banatuta bost batzar. Hiritarren Txostena delakoa emateko data zuzailaren 13an finkatu dute.

Azpiegitura diputatua. Osoko bilkuran esan zenez, "puntu batzuk" onartzeko gertu dago Aldundia.

Aldaketok adostasuna piztu dute udaletan. Hala, atzoko osokoan, Bergaran, aho batez onartu ziren.

INPLIKAZIOA

Bergararen eta Antzuolaren parte-hartzea ez da handia izango, errepide horrek zeharka ukitzen baititu bi herriok; Azkoitia eta Urretxu batzen ditu, eta bi horietako eta Zumarragako herritarrek izango dute pisu handien; izan ere, Bergarako alkateak berak onartzen duen moduan, "guk errepide hori ez dugu era-

biltzen". Hala, Aldundiak proposatzen du Antzuolako hiru herritar eta Bergarako bederatzi izatea NIPean. Hala ere, egitasmoak badu bere garrantzia, izan ere, esan bezala, bi alkateok adibidetzat ipini diote Aldundiari proiektu hori, halako gehiago eskatzeko. Antzuolako alkate Pedro Iturbek dioen moduan, "GI-631 ez da eztabaida handia sortuko duen proiektua, baina badaude beste batzuk eztabaida sortzen dutenak: errauskailuarena, adibidez".

Hortaz, proiektuaren eragina bereziki handia ez izan arren, Antzuolako eta Bergarako udalak inplikatu egin dira.

OBRAK > ZERKAOSTETA KALEA

Zerkaostetako azken lanak bukatu dituzte

Ezustekorik ez bada, gaur (eguztena) arratsaldean zabalduko dute atzera ere kalea

UBANE MADERA >ARRASATE

Herenegun, astelehena, itxi zuten Zerkaosteta kalea ibilgailuendako, eta, azken ordukorik ez bada, gaur arratsaldean zabalduko dute berriro.

Konpontze obrak egiten ibili dira martxoan (lehen fasea) eta apirilean (bigarren fasea) kale horretan. Izan ere, kalea orain gutxi berriro badute ere, hainbat arazo izan dituzte galtzadaha-harriarekin. Hala, oraindik obra garantian dagoela aprobetxatu du Udalak konponketa lanak eragi-

teko berrikuntza obra egin zuen enpresa berari, Amenabarri.

Lanok bi fasetan egin arren, ez dute obra inportanterik egin, baina, kalea guztiz ez ixtearren erabaki dute hala egitea.

OINEZKOEK LEHENTASUNA DUTE

Kontuak kontu, behin obrak bukatuta, lehengora bueltatuko da Zerkaosteta. Hau da, han ibilgailuak ibili ahal dira, baina lehentasuna dute oinezkoek; horregatik daude galtzada eta espaloia maila berean.



Martitzeneko eguraldiak zaildu egin zuen Zerkaostetan lanean zihardutenen jarduna.

U.M.

Zirkulazioaren noranzkoari dagokionez, bi noranzko ditu kaleak. Goizez, alde zaharra zabalik dagoenean, Maalako errebatetik sartu ahal da eta Kontzezinotik irten. Arratsaldean, berriz, Zerkaosteta ixten dituzten piboteak igota daude. Beraz, arratsaldean Kontzezinotik sartu ahal

da Zerkaostetara; eta gero, atertzeko bide bera segitu behar da: Zerkaostetako garajeen parean buelta hartu eta Kontzezinora.

GAIZKI APARKATUTA

Bestalde, aparkaleku batzuk ere egokitu dituzte Zerkaostean, Iturbide egoitzatik Lasagabasterre-

raino, kalearen eskumako aldean. Egunez zamalanak egiteko dira; beraz, zamalanen ordutegia bukatu arte ezin da han aparkatu. Baina aparkaleku arauak ez dira behar bezala errespetatzen inguru hartan. Bereziki, batzuk kalearen ezkerreko aldea ere erabiltzen dutelako aparkatzeko.

ERLIJIOA > ASTE SANTUA

Egubakoitz Santuan, gurutze-bidea

U.M. > ARRASATE

Datozen egunotako jaiegunen jatorria sarri ahazten dugun arren, kristau fedearen muinean dago: Aste Santuan. Erramugandean hasi, eta Eguen, Egubakoitz eta Zapatu Santuak dira egunik esanguratsuenak. "Gure fedearen misterio sakonenetara gerturatzen gara", azpimarratu du Jon Molinak, Arrasateko parrokoetako batek.

OSPAKIZUNIK JENDETSUENA

Ondorioz, egunotan elizkizun bereziak egingo dituzte parroketan, bakoitzak dagokion ordutegian (ordutegi zehatza dago eskelak izaten diren puntuetan).

Horien artean jendetsuena Egubakoitz Santuko gurutze-bidea izaten da: "Goizez, Portaloitik Santa Barbara da gurutze-bidea, 08:00etan. Ospakizunik

ugariena izaten da", aditzera eman du Molinak. "Jesusen 14 egonaldi edo pauso horiek berreskuratuko ditugu", zehaztu du.

Gurutze-bidearekin lotuta, bitxikeria bat ere kontatu du apaizak: gurutze-bidea markatzeko harrizko gurutzeak zeudela lehen herri gehienetan, nahiz eta orain leku askotan galduta dauden. "Mondragoen bazeuden gurutze horiek. Bedoñara bidean, San Josepera bidean. Desagertu egin ziren Bedoñako bide berria egin zutenean. Bada, horietako bat jarrita dago elizaren kanpoaldean, Iturriotz kalera begira", kontatu du Molinak.

GAUERDIAN BEHARKO LUKE

Bestalde, Aste Santuko ospakizunen artean, zapatu gauekoan ere badira pare bat bitxikeria: "Larunbateko ospakizunak

gauerdian hasi beharko luke. Orain, arratsalde-iluntze aldera pasatuta dago. San Juan parrokiaren, adibidez, 22:00etan egingo dugu. Baina beharko luke gauerdian, gaubeila delako. Erroman eta halako lekuetan oraindik hori errespetatzen da", dio Molinak.

BATAIOAK EGITEKO ONENA

Hori, batetik. Bestetik, Molinak kontatu du Pazko gaubeila dela bataioak egiteko urteko egunik aproposena: "Aretxabaletan-eta egin izan dira, nik ere egin izan ditut orain gutxi. Ez dira asko egingen arrazoi praktiko batengatik: berandu delako eta ez delako umeendako ordurik egokiena. Zergatik den bataioetarako egunik aproposena? Bada, kristau fedearak erakusten duelako bataioarekin Jesusen heriotza eta piztueran parte hartzen dugula".

> KRISIA

Bihar, eguena, ez da izango eskaintza berezirik Arrasate Bizirik elkarteko tabernetan

Aste Santuko jaiegunak direla-eta, Arrasate Bizirik elkarteak jakinarazi du bihar, eguena, elkarteko tabernarietara ez dutela egingo eguneroko eskaintzarik: ardo ondua eta pintxoak euro baten truke. Aste Santu ostean segituko dute eskaintza hori egiten.

> AISIALDIA

Zaldian ibiltzera eta beste datorren astean, herriko gazte txokoetatik

Apirilaren 15etik 18ra arteko egitaraua antolatu dute herriko gazteei aisialdi eskaintza emateko. Apirilaren 15ean saskibaloia txapelketa egingo dute; 16an, rafting egitera joango dira; 17an patata tortila lehiaketa egingo dute eta 18an zaldian ibiliko dira.

> AISIALDIA

Aurtengo udalekuetan izena emateko epea zabaldu du Txatxilipurdi elkarteak

Udalekuek izenemate epea zabalik dago. 2-10 urte artekoendako udalekuak herrian egingo dituzte. 10-16 urtekoendako, berriz, udaleku itxiak antolatu dituzte. 10-12koendako Etxarrin; 12-14koendako Orion; eta 14-18koendako Euskal Herriatik buelta.

ERRASTI KRISTALDEGIA

Plastiko eta burdinazko hodiak
beirina eta kristalak
osagaiak

San Andres Auzoa 10. pabilioia
Tel.: 943 79 22 55 / 943 79 14 25

Sili Sili

Martxa eta estilo handiko arropa

Iturriotz, 9 • ARRASATE • Tel.: 943 79 81 82

Monte
taberna

Maalako errabala 2
Tel.: 943 79 20 56

DOKEA > ELKARTEEN ARTEKO TXAPELKETA

Ohiturari eutsiz, 29 urte beteko ditu doke txapelketak

SUDC elkarteak antolatzen duen txapelketak ez du hutsik egingo; etzi izango da, 10:00etan hasita. Gero, 20 kilo sardina erreko dituzte, bertan jateko

JOKIN BEREZIARTUA > ARRASATE

Arrasaten historia duen jokorik badago, hori dokea da. Gure arbasoen antzinako jokoak, frogatuta dago Erdi Aroan, behintzat, gure ibarrean jokatzen zela. Ezin da esan gaur egun arrasatearrentzat denbora-pasa erakargarriena denik, baina zaleek ez dute urteroko hitzorduan kalerik egiten.

Urtero biltzen dira Kondekua zelaian -Monterron parkearen azpian- goiza dokean jokatzen pasatzeko. Hala, aurten, etzi dute eguna: hilaren 10ean, goizeko hamarretan. Txapelketa SUDC elkarte gastronomikoak antolatzen du, eta, adierazi dutenez, "hel-



Amaieran, elkarteetako bikote onena eta Udaleko bikotea lehiatzen dira; eta galtzaileak ordaintzen ditu sardinak.

SUDC

burua da gure herriko antzinako ohitura zaharrari eustea". Elkarrekin arteko lehia izaten da, eta elkarte bakoitza bazkide bikote batek ordezkatzen du. Bikote onenak Udaleko ordezkaritzaren aur-

ka jokatuko du amaieran. Eta, Erdi Aroan egiten zen moduan, apusturik ez da faltako: galtzen duenak, jokalariek eta publikoak jango duten 20 kilo sardinak ordaindu beharko ditu.

HARROBIA DOMEKAN ARITU ZEN

Dokeak badu harrobia: joan den domekan jokatu zuten gazte mailako 25. doke txapelketa. Irabazleak Oiana Uribarren eta Ahinize Uribarren izan ziren.



GOIENKARIA

Uruguaiarrak nagusi errugbi lagunartekoan

Joan den zapatuan errugbia izan zen protagonista Mojategin: lagunarteko partidu bereziak jokatu ziren. Hiru taldek hartu zuten parte: Arrasatek, Old Boys taldeak (Uruguai) eta Euskadik. Euskadiko selekzioarekin hiru arrasatear aritu ziren: Xabier Arregi, Jon Lizaur eta Ander Heriz. Uruguaiarrak izan ziren nagusi, bi taldeek euren bi partiduak irabazi zituzten-eta.

> BESAIDE

Untza enpresak eten egin du Udalarekin zuen kontratua

Iturbiden greban diharduten langileak kontratatzen dituen Untza enpresak eten egin du Arrasateko Udalarekin duen kontratua, egoera "jasanezina" delako. Enpresak uste du Arrasateko Udalak egin dien proposamena "sektoreak eskain dezakeen hitzarmenaren oso gainetik" dagoela eta hala eta guztiz ere, "langileen batzordeak eta ESK sindikatuek baztertu" egin dutela. Udalak zerbitzu hori berriro adjudikatu edo bestela zuzeneko kontratazioaren bitartez hartu beharko ditu langileak.

tzeko asmoaz. Erabakitako beste neurriak ere oso mugatuak gelditzen dira egoera larria eta arazo sakonen aurrean.

Aldaketa G-20aren eskuetan uzten badugu, jai daukagu. Aldaketa guri dagokigu. Boteretroengandik beste muturrean gauden langile, herritar eta herriek, aberastasun banaketa, denontzako enplegua, beste eredu ekonomiko eta soziala eskatzen dugu. Eta baita herrien askatasuna ere.

Eta horretarako borrokatu behar dugu. Egoerak erantzun zabala eskatzen du. Eta maiatzaren 21ean, LAB, ELA, ESK, STEE, EHNE eta Hiru sindikatuak planteatutako greba, beharrezko erreferentzia izan daiteke. Joan gaituzten denok greba egitera.

bere ustez



Antxon Mendizabal

G-20 eta Gu

Nabaria izan da mundu mailako erreakzioa krisiaren aurrean. G-20 barruan daudenek erabaki dute 500.000 milioi dolar Nazioarteko Moneta Funtsean sartzea eta beste 250.000 milioi dolar Munduko Bankuari igortzea; baina orain arte hauek aplikatutako logika liberala eraldatu gabe. Proposatu dute munduko merkatal erakundearen orde Nazioarteko Merkatal Foroa gauzatzeko; baina munduko merkatal elkar trukeen liberalizazio berdinarekin jarrai-

"Aldaketa G-20aren eskuetan uzten badugu, jai daukagu; aldaketa guri dagokigu"

LEIHOAK, ATEAK, ZORUAK, ARMAIRUAK

ZAHARBERRITZEAK
PVC, ALUMINIOA, EGURRA

Erakusketa eta biltegia:
Kale txiki 3 behea (Musakola)
Tel. eta faxa: 943 77 11 20

S. CARRASCAL S.L.

Guk egindakoak:

- Sukalde altzariak
- Horma-armairuak
- Trastelekurako armairuak

Ekutio kalea pab. 14-15
Urbarri auzoa 4
Tel. faxa: 943 79 01 82

UGARAN

Jatetxea

Garagartza auzoa
Tel.: 943 79 76 58
ARRASATE

KONTRATAK
IRYROK S.L.
ERAIKUNTZAK

Meatzerreka 5 bis - 246 posta-kutxa
Tel.: 943 77 09 92 Faxa: 943 79 78 14
ARRASATE

UDALA > AZPIEGITURAK

Seminarioa Arrizuriagaren truke onar dezan eskatuko dio Udalak Patronatuari

Seminarioak duen kokapenagatik udal zerbitzuak kokatzeko aparteko lekua dela uste dute, eta herriak duen kultura ondarearekin lotutako azpiegiturak kokatzeko beharra ase dezakeela



Museoa, liburutegia... jartzeko nahi du Udalak Seminarioko eraikina. GOIENKARIA

M. BELASTEGI / A. EZKIBEL > BERGARA
Asteleheneko ezohiko osoko bilkuran udalbatzak onartu egin zuen UNED-Bergara Patronatuari eskari bat egitea: Errege Seminarioa Patronatuaren jabegokoa bihurtzen den unean, onar dezala eraikin hori Udalaren jabegokoa den Arrizuriaga jauregiagatik trukatzeko. Eta udalbatzak onartu egin zuen, Udal Gobernu taldearen, PSE-EEren eta EAren aldeko botoekin. EAJ alderdiak, berriz, kontra bozkatu zuen.

Eskaera horrekin batera, Udalak beste hau ere eskatuko dio Patronatuari: truke hori gauzatzeko garatu beharreko espediente administratiboa lehenbailehen abiaraz dezala.

Horrekin guztiarekin, Patronatua osatzen duten partaide guztiei bidaliko dizkiete eskaerok. Hain justu ere: Patronatuko lehendakari Markel Olanori eta kide diren Foru Aldundiko Euskara eta

Kultura diputatu Maria Jesus Aranbururi, Kutxako ordezkari Karlos Huiziri eta UNEDeko zuzendari Juan Jose Alvarezzi.

APARTEKO LEKUA

Udal Gobernuak ez du zalantzarik Errege Seminarioa udal eraikina izateak duen garrantziaz, eta ideia hori kontrastatzeko egindako prozesuan –iaz herriko 250 eragilerekin batzartu ziren– herriarren aldetik oso harrera ona izan zuen aukera horrek.

Seminarioak duen kokapenagatik, herri erdi-erdian, udal zerbitzuak ezartzeko aparteko tokia dela uste dute, eta, horrekin batera, kultura eta ondarearekin lotutako hainbat azpiegitura –museoa, liburutegia...– kokatzeko beharra aseko lukeela.

EAJ EZ DATOR BAT

EAJko zinegotzi Rafa Amasorrainek ezezkua azaltzeko orduan esan zuen ez dutela trukea ulertzen: "Arrizuriaga Uda-

larendako leku ona da. Gainera, UNED ondo kokatuta dago daukan beharrak asetzeko, eta ez dugu truke beharrik ikusten".

Hori dela eta, Barruso alkateak erantzun zion udal ikuspuntutik planteatzen dutela trukea eta Seminarioa udal erabilerarako egokia izateaz gainera, "herriko korapilo asko eskatuko" lirakeela. Eta gaineratu zuen trukea ez dela eskatuko Patronatuari mesede egiteko, "baizik eta herriarendako ona delako".

Publikoan eserita zegoen Iñigo Juaristik ere hartu zuen hitza eta hark ere trukearen kontrako jarrera azaldu zuen. Haren ustez: "Trukaketa hori egiten bada, herriak bi aldetatik galduko du: batetik, ondarea galduko du (Arrizuriaga); eta bestetik, bi edo hiru milioi euroko kaltea izango du Udalak gaur egun UNED dagoen tokia egokitzen". Eta hauxe gaineratu zuen: "Seminario osoa egokitzea 5,6 milioi euro inguru da. Eta Udalak eraikina hartuz gero gastu hori ere bere gain hartuko du, eta trukea egiten ez bada, berriz, UNEDek".

Barruso alkateak hauxe erantzun zion: "5,6 milioi euro zuek ateratako kopurua da". Eta honakoa gehitu zuen: "Seminario osoaren konponketa ez du Udalak bere gain hartuko; izan ere, Aranzadi ikastolak erabiltzen duen zatia hark ordainduko du. Bestetik, trukea egin ala ez, elizaren parte Udalak konpondu beharko du".

bere ustez



Unai Lopez

21. mendea lidergoaren egarriz

Zutabe honetan idazteko urtarrileko nire txandean Obamaren kargu hartzeari buruz idatzi nituen zenbait lerro. Bi hilabete eta gero, AEBetako presidente berriak agerraldi zein edozein bidaia egiten duela, inguruak asaldatzen jarraitzen du.

Bere lana momentuz epaitu gabe, Obamaren etorrerak mundu mailan suposatzen duen lidergo eta erreferente baikorak 21. mendeko zurrumbilo politikoan parekotasunik ez duela onartu daiteke. Adibide argizat G-20a dela eta Euro-

"Tamalgarria da Zapateroren karisma falta eta ahultasuna sasoi estu hauetan"

para egindako bidaian ikusitako hamaika irudi.

Komikietako heroi amerikar bat balitz bezala agurtua, Europako gainontzeko politikarien begirada eta irribarrearen sustatzaile, azken finean, urte dezente dira horrelako lider sendorik ez gurela gure inguruan. Eta krisialdi honek sartu gaituen tunel ilun honetan karismadun lider baten erreferentzia izateak egunero-ko arazo den konponbide ez bada ere, etorkizuna mesfidantzaz jositako beste esku batzuetan izan gurela gogorarazten digu behintzat. Mesfidantza aipatzean Zapatero jaunak G-20an eta krisialdi honetan oro har izandako papera datorkit burura, tamalgarria bere karisma falta eta ahultasuna sasoi estu honetan.

BERGARAKO UDALA

Gipuzkoako Toki Ogasunei buruzko uztailaren 5eko 11/1989 Foru Arauan xedatutakoa betez, ondoko hau erabaki da behin-behineko izaeraz:

Ondorengo ordenantza fiskala aldatzea:

1. Zerbitzuak eskaini eta jarduerak burutzeagatik ezarrita dauden tasak arautzen dituen.

Hori guztia, Udalbatza Osoak 2009ko martxoaren 30eko bileran hartutako erabakiari jarraituz egiten da. Erabaki hori behin betiko bihurtuta, Gipuzkoako Aldizkari Ofizialean argitaratzen den egun berean jarriko da indarrean eta 2009ko uztailaren 1etik aurrera sortuko ditu ondorioak.

11/1989 Foru Arauan xedatutakoarekin bat etorritik, behin-behineko erabaki hau 30 lanegunez jarriko da ikusgai jendaurrean Udaletxeko iragarki taulan, interesatuek espedienteaz aztertu eta egoki deritzoten erreklamazioak aurkeztu ahal ditzaten.

Erakustaldia Gipuzkoako Aldizkari Ofizialaren bitartez jakinaraziko zaio jendeari, eta iragarkia argitaratu eta hurrengo egunetik aurrera hasiko da epea kontatzen. Informazio honen arauzko epea erreklamazioak gabe igaro ondoren, hartutako akordioak eta adierazitako agiriak behin betirako onartuak izango dira akordio berriak hartu beharrik izan gabe.

Bergara, 2009ko martxoak 31
Alkatea



BERGARAKO UDALA

> GAZTEAK

Inter-railaren gaineko hitzaldia egongo da apirilaren 16an

GAZTE Informazio Guneak hainbat ekitaldi antolatu ditu apiril eta maiatzerako. Ekitaldiok antolatu dituzte maiatzean egingo duen 10. urtemugaren harira. Lehen ekitaldia apirilaren 16an izango da: Jon Ruiz de Eginok eta Iñaki Goenak inter-railaz arituko dira, 18:30ean, kultura etxean.

> IRTEERA

San Joxepekoek Leonera astebeterako irteera antolatu dute irailerako

Leonera bidaia-Ibilbide Jakobea delako izena eman diote irteerari eta irailaren 20tik 7ra izango da. Leonen hartuko dute ostatu eta handik hainbat irteera egingo dute, besteak beste Burgos, Astorga, Salamanca, Toro eta Palentziara. Izenematea zabalik dago.

EDEL

TAPIZ DENDA

Etixerako artikuluetan aukerarik haundiena

Alfonbrak, kortinak, kortinoiak, koltzak, edredoiak, etab.

Zure bulegoetan giro atsegina behar baduzu, ez ahaztu pertsiana-motarik egokienaren berri eskatzea.

Bidekurutzeta 14 BERGARA

ARRI
Industri hornidura
Latigilloak

Telleria 2, BERGARA
Tel.: 943 76 19 04
Faxa: 943 76 43 03
Sakelakoa: 656 78 64 84

Unai Asurmendi > Udaleko kirol teknikaria

"Kirol praktika zailtzen duen mehatxu bat familia eta kirola uztartzeko zailtasuna da"

ARANTZAZU EZKIBEL > BERGARA

Apirilaren 1ean Diputazioan izan zen Unai Asurmendi kirol teknikaria, familia eta kirolaren gainean berba egiten. Gai orokorra gaur egungo kirol eskaintza zen; eta Asurmendik, bereziki, kirola eta familia nola uztartu landu zuen.

Diputazioan izan zineten Gipuzkoako kirol teknikariok. Zertaz berba egin zenuten?

Gipuzkoako kirol teknikariok eta Aldundikoez elkarrekin egindako jardunaldia izan zen. Gaur egungo kirol eskaintza aztertu genuen, eta horren barruan zeintzuk diren mehatxuak eta aukerak eskaintza aldatu edo moldatzeko.

Horren barruan, kirol praktika zailtzen duen mehatxu edo zailtasunetako bat da familiako beharrak edo premiak. Hau da, jendeak kirola ez egiteko aitzakietako bat da ezin duela familiako bizimoduarekin uztartu.



Unai Asurmendi, Kirol teknikaria.

A.E.

Eusko Jaurlaritzak egindako azterketa baten emaitza da?

Bai, 2008an Eusko Jaurlaritzak kirol ohituren azterketa egin zuen eta azterketa horren ondorioak jaso nituen. Hortik abiatuta, Aldundikoez galdeketa egin zuten eta konturatu ziren Gipuzkoan bi herritan gai hori jorrazten zebiltzala; horietako bat Bergara da.

Ze behar ikusita erabaki zen Bergarako kiroldegian ludoteka jartzea?

Hasiera batean, haurtzaindegia jartzeko asmoa zegoen; baina eremu horretan ez ziren haurtzaindegi baten premiak betezen. Hala ere, ikusten zen umea uztzeko nolabaiteko eremu bat eskaini behar zitzaizela gurasoei kirola egitera etorri gura baldin bazuten. Aukera ezberdinak aztertuta, ludoteka egitea erabaki izen.

Ze zerbitzu eskaintzen ditu ludotekak?

"Kirola eta familia uztartzeko beste bide bat umearekin batera kirola egitea da"

"Ludoteka hezkuntza proiektu baten barruan sartuta dago, ez da parking bat"

Esan behar da ludoteka ez dela parking bat, hezkuntza proiektu baten barruan sartuta dago. 3-12 urte bitarteko umeak egon daitezke, urte guztiko abonua aterata. Ludoteka baten antolaketa du zerbitzuak; liburutegia dauka, eskulanak egiteko lekua, jolaslekua, komunak...

Gipuzkoa mailan Bergarak ematen duen zerbitzua aitzindaria dela esan daiteke?

Bai; Bergarakoaz gain, Azpeitia ere azterketa egiten dabil, familia eta kirola nola uztartu ikusteko. Ludoteka ez, baina jolas-eremu librea dute Tolosa eta Beasainen. Horiek, baina, ez dute begiralerik.

Kirola eta familia uztartzeko beste biderik badago?

Jardunaldietan horretaz berba egin genuen, eta, ludoteka zerbitzuaz gain, beste bide batzuk ere aztertu genituen; adibidez, umearekin batera egitea kirola. 0-3 urte bitarteko haurrekin egiten dugu hori, igerilekuan.

Lan horretan zeintzuk dira zailtasunak?

Haurtzaindegi zerbitzua jartzeko zailtasun handiena ekonomikoa izaten da.

Ludoteka zerbitzuak zelako harrera izan du?

Egia esan, erabiltzaile gutxi ditu ludotekak.



San Antonio kaleko 7 eta 9. zenbakiak.

A.E.

HIRIGINTZA > SAN MIGEL KALEA

Udalak aho batez onartu du San Migel 7 eta 9 erostea

Udalaren asmoa da San Antonio-Urteaga eremua errekuuperatzeko bi eraikinak botatzea

A.E. > BERGARA

Astelehenean egindako ezohiko osoko bilkuran aho batez onartu zuten San Antonio auzoko San Migel 7 eta 9 eraikinak erostea. Udalaren asmoa da bi eraikin horiek osorik erosi ondoren botatzea. Obra eta Hirigintza batzordeak martxoaren 31n egindako bileran hartutako irizpideak kontuan hartuta onartutako gaia da aipatutakoa.

ORDENAZIOZ KANPO

Bi eraikin horiek erosteko hainbat puntu hartu dituzte kontuan: alde batetik, indarrean dauden arau subsidiarioak eta

tramitatzen dabilzan plan orokorraren arabera San Migel 7 eta 9 eraikinak ordenazioz kanpo geratuko liriteke; bestalde, Udalaren asmoa da San Antonio-Urteaga eremu degradatua errekuuperatzea. Horretarako, ordenazioz kanpo dauden eraikinak botako dituzte.

BABES OFIZIALEKO ETXEAK

Udalak Eusko Jaurlaritzarekin duen hitzarmenaren arabera, babes ofizialeko etxeak eraikiko dira gunehorretan. Asteleheneko bilkuran, S-4B sektorean etxebizitzak sustatzeko akordioa onartu zuten.

oharrak

AGORROSIN

>Agorrosingo kirol eremua zabalik egongo da Aste Santuan

Eguzti Santutik Pazko-astelehenera zabalik egongo da. Apirilaren 14tik 19ra, ordea, itxi egongo dute garbitzeko eta berdegunean egiten diharduten igerileku berrirako ur eta argi hornikuntza lanak egiteko.

KINTADA

>1965ean jaiotakoek kinto afaria egongo dute

Apirilaren 25ean egingo dute, Tartufon. Izena emateko jo Ariznoa tabernara, idatzi kexaniz@euskalnet.net helbidera edo deitu 629 56 29 25 telefono zenbakira.

DEIALDIA

>San Joxepeko estatutuak eskuragarri daude dagoeneko

Elkarrearen estatutu eta barne araudia eta kultura gida eskuragarri daude egoitzaren bulegoan.

PINTXOAK eta OGITARTEKOAK SEKULAKO MARTXA!!

EUXEBIO II

Irala z/g Bergara
943 76 07 92

Mujika gozotegia

Bizkotxoak Erreilenoak Tostoiak

Artekalea 3 BERGARA
943 76 10 34

TOKI-ONA

Bodegoia-taberna

Eguneroko janariak
Txixizotzak
Kazolatxoak
Txabierroak

Matxiategi 1. BERGARA
Tel.: 943 76 39 53

trinmer telecomunicaciones

tdt televisión digital terrestre

Bergaran ere badago Lurreko Telebista Digitala!

Kontsulta iezaguzu eta soluzio onena eskainiko dizugu, ez itxaron gehiago eta alda zaitez TB digitalera.

TRINMER 20 urte antenatan
LTDerako aurrekontuak. Protokoloa eta Boletina barne

TRINMER Telekomunikazioen instalatzaile ofiziala 1305
Egogain Kalea 2-Bac 20600 EIBAR
Tel.: 943 12 73 50 - 943 10 89 43 | Faxes: 943 20 73 60
antenas@trinmer.com | www.trinmer.com

ETXEBIZITZA > BABES OFIZIALEKOEN ZOZKETAK

Etxebideko zerrenda bera erabiliko dute hurrengo zozketetarako

Uztailera arte egingo dituzte babes ofizialeko etxeen zozketarako zerrenda bera erabiliko dute

Etxebideko zerrenda ikusgai dago Santa Ana antzokiko beiratean hilaren 20ra arte

MIREIA BIKUÑA > OÑATI

Eraikitzen diharduten babes ofizialeko etxeen zozketetarako Etxebideko zerrenda bera erabiliko dute udal arduradunek. Hain zuzen ere, Santa Ana antzokiko beiratean ikusgai jarri duten zerrenda erabiliko dute. Uztaile aurretik egingo dituzten zozketetan zerrenda bera erabiliko dute. Guztira, 519 izen daude Etxebideko zerrendan.

Alegazioak aurkezteko epea hilaren 20an bukatuko da. Zerrendan agertzen ez direnek edo zerrendan egon arren zozketan parte hartzeko interesa ez dutenek aurkez ditzakete udal bulegoetan. Uztailetik aurrera egingo dituzten zozketetarako, agian zerrenda berriak eskatu beharko dituzte.



San Martineko etxeak zozketatuko dituzte lehenik.

MIREIA BIKUÑA

OROIMENA LANTZEKO HITZALDIA
Oñatiko egiten diharduten eta zozketatuko dituzten babes ofizialeko lehen etxebizitzak San Mar-

tinekoak izango dira. Jendaurrean dagoen zerrendari alegazioak aurkezteko epea bukatu, eta dagozkion erreklamazioak azter-

tu ondoren zozketarako eguna zehaztuko dute. Guztira, 45 etxe zozketatuko dituzte: bina etxea ezgaituendako, familia-ugarien-

dako eta Etxebiden lau urtez baino gehiagoz izena emandako daudenendako gordeko dituzte. Gainerako 39 etxeak kupo orokorrean zozketatuko dituzte.

Gainera, lehen hiru kupo berezietan etxerik lortzen ez dutenek kupo orokorreko zozketan parte hartzeko aukera izango dute.

Prozesu berbera jarraituko dute Ugarkaldeko eta Kasablanka iparrean egiten diharduten etxeekin.

Ugarkalde auzoko 5 eta 6 zenbakietan 40 etxe egingo dituzte. Kupo orokorrean 34 zozketatuko dituzte, eta beste seiak kupo berezietan. Astelehenean bukatu zen zozketa arautuko duen behin-behineko baldintzei alegazioak aurkezteko epea. Orain behin betiko baldintzak onartuko dituzte eta jendaurrean egon ondoren zozketarako eguna zehaztuko dute. Azkenik Kasablankako iparrean beste 12 etxe zozketatuko dituzte. Martxoko osoko bilkuran onartu zituzten zozketarako baldintzak.

SUSTATZAILIEN SALMENTA

Kasablanka iparrean eta Kurtiderixa gunean saldu barik dauden etxe tasatuen salmeta zuzena egiten hasi dira sustatzaileak Kale Barri 20ean. Erosleek 21.000 eta 54.615 euro arteko sarrerak izan beharko dituzte, eta gustukoaren duten etxea erosteko aukera izango dute.

ELIZKIZUNAK > ASTE SANTUA

Bihartik hasita hainbat elizkizun egingo dituzte herriko elizetan eta monasterioetan

M.B. > OÑATI

Bihartik aurrera, Aste Santuko egunetan eta Pazko-egunean hainbat elizkizun egingo dituzte herriko elizetan eta monasterioetan. Bihar, Egubakoitz Santuan, Zapatu Santuan eta Pazko-domekan elizkizunak egingo dituzte Mikel Goiaingeruaren parrokiari, agustindarren elizan,

Bidaurretako mojen etxean, beneditarren monasterioan eta Santa Ana monasterioan. Beheko taulan ikus daitezke elizkizunen egunak, orduak eta tokiak.

AUZOETAN

Bestalde, auzoetako elizetan gurutze-bidea egingo dute Egubakoitz Santuan. Hain zuzen ere,

Uribarri, Olabarrieta eta Zubillaga auzoetako elizetan egingo dituzte. Gainera, Koizkar auzoko ermitan Eguen Santu eguna ospatuko dute bihar.

Bestalde, San Martin egoitzako kaperan, han bizi direnendako eta herritar guztiendako, elizkizunak egingo dituzte bihar eta egubakoitzean.

Elizkizunen orduak, tokiak eta egunak

	EGUENA	ORDU SANTUA	GURUTZE-BIDEA	EGUBAKOITZA	ZAPATUA	DOMEKA
Santa Ana	19:30	21:30	-	19:30	21:30	-
Beneditarrak	18:00	-	-	17:00	21:30	12:30
Bideurreta	18:30	22:00	19:30	17:00	21:30	-
Agustindarrak	19:30	-	20:00	18:00	20:30	-
Parrokia	18:00	22:00	09:00	17:30	21:30	12:00
San Martin egoitza	16:00	-	-	16:00	-	-
Uribarri	-	-	09:00	-	-	-
Olabarrieta	-	-	11:00	-	-	-
Zubillaga	-	-	11:00	-	-	-

> LANAK

Turismoarendako egokitu ondoren, parrokiako argiztapen berria inauguratuko dute gaur

Mikel Goiaingeruaren argiztapen turistikoa gaur, eguaztena, inauguratuko dute, 17:00etan. Erretaula eta aldare nagusiak, kripta eta Errosario eta Pietateko kaperak argiztatu dituzte. LED argi sistema erabili dute eta bisita turistikoendako egokitu dute. Guztira, 120.000 euroko aurrekontua erabili dute lanok egiteko.

> ERAKUSKETA

Ateei buruzko erakusketa antolatu du Ilunpetan argazki taldeak herriko lau tabernetan

Ilunpetan argazki taldeak ateei buruzko erakusketa antolatu du herriko lau tabernetan; hain zuzen ere, Boga, Arrano, Guria eta Aker tabernetan. Oñatiko eta beste toki batzuetako ateei buruzko 20 argazki bildu dituzte, batzuk koloretan eta beste batzuk zuri-beltzean. Erakusketa hilaren 30era arte egingo da ikusgai.

> ZERBITZUAK

Igerilekua itxita egongo da hilaren 14ra arte, Osakidetza agintzen duen garbitasuna egiteko

Osakidetza urtean bi aldiz agintzen duen garbitasuna egiteko, kiroldegiko igerileku itxita dago hilaren 14ra arte. Bi igerilekuak hustu eta garbitasun sakona egingo dute zabaldu aurretik. Bestalde, Aste Santuko oporrak direla eta, eskola kiroleko jarduna eten egin dute hilaren 20ra arte.

INGURUMENA > ATMOSFERAKO KUTSADURA

Airearen kutsadura neurtzen, berriro

Ibarra futbol zelai parean dago unitate mugikorra martxotik, eta 45 lagin hartuko ditu

Aurreko neurketetatik ez zuten ondorioz atera; orain, lagin gehiago hartuko dituzte

MIRARI ALTUBE > ARETXABALETA

Aretxabaleto airearen kalitatea aztertzen dabilta asteotan. Martxoaren 10ean jarri zuten laginak hartzen dituen unitate mugikorra Ibarra futbol zelai parean eta hila bukatu arte egongo da bertan. Orain dela urte eta erdi ere egin zuten azterketa leku berean, baina 30 lagin hartu zituzten eta ondorioak ateratzeko gutxitxo izan zirela esan zuten azterketa egindako kimikariek. Horregatik, eta Markole auzoko bizilagunek eskatuta, berriro dago furgoneta laginak hartzen.

KUTSATZAILEAK ETA METALAK

Airearen laginak hartzen dituen unitate mugikorra Eusko Jaurlaritzarena da eta aurrekoan

jarritakoa baino berriagoa da. Jasotako laginak aztertzen dabilzanak, oster, Donostiako Kimika Fakultateko Ingeniaritza Kimikoko kideak dira, eta fakultatetik bertatik egiten diote jarraipena unitate mugikorrari. Arazoren bat igarritz gero bakarririk etortzen dira furgonetara.

Kutsatzaile nagusitzat hartzen diren gasak aztertuko dituzte -SO₂, CO, NO, NO_x eta O₃-, baita meteorologi aldaketak ere: temperatura, haizearen abiadura eta norabidea, euria eta hezetasuna. Gainera, airean dauden partikulei egingo diote jarraipena, zeintzuk diren eta zein kantitatean zehaztuko dute. Eta metal astunak daukaten ere behatuko dute -kadmioa, kobrea, burdi-



Markole auzoan jarri duten unitate mugikorra erakusten Anabel Diez Ingurumen teknikaria.

M.A.

na, manganesoa, nikela, beruna eta zinka-. Horretarako kuartzoz egindako filtroak erabiltzen dituzte, halako azterketetarako bereziki erabiltzen direnak. 24 orduko laginak dira hartutakoak, astean 3 edo 4, eta guztira 45 lagin izango dira.

Hori guztia aztertutakoan airean dauden kutsatzaile horien portaera ebaluatuko dute kimikariek eta bukatzeko aurretik herrian egindako azterketekin konparatuko dituzte orain lortu-

tako emaitzak. Indarrean dagoen araudiarekin ere alderatuko dituzte jasotako datuok.

EMAITZEK GAINDITU EZ ARAUDIA

Aurreko azterketa 2007ko maiatza eta ekaina artean egin zuten. Bizilagunek eskatu zioten Udalarri Markole inguruko airea aztertzeko oso kezkatuta zeudelako etxe inguruan pilatzen zen hautsarekin. Azterketa egiteko 30 lagin bakarrik hartu zituzten eta denbora tarte laburra izan

zela emaitza erabakigarriak lortzeko adierazi zuten kimikariek. Edozein hiritan dauden partikulak antzeman zituzten orduan; lanegunetan mailarik altuenak eman zituen eta aste bukaeretan bajuenak. Zazpi metal aztertu zituzten orduan eta gehien azaldu zirenak burdina eta zinka izan ziren, betiere legeak ezarritakoa gainditu ere ez zituzten gainditu ezarritakoak.

UDALA > EZOHICO OSOKO BILKURA

Etxe tasatuen zozketa egiteko hitzarmena berri du Udalak Bruesa enpresarekin

Hainbat etxebizitza daude hutsik eta hurrengo zozketa egiteko lau talde ezberdin egitea onartu zuten udalbatzak

berritze lanak ere Amaralek egin zituen.

Bestalde, zaborraren tasa %20 igotzea onartu zuten, Mankomunitateak proposatutako moduan.

ZUZENKETA

EAK esana argitzen

Apirilaren 3ko GOIENKARIAN adierazi genuen kirol etxearen proiektuari ezetza eman ziola EAK, baina emandako zergatiak oker zeuden. EAKo Lore Martinezek galdetu zuen osoko bilkuran proiektua zelan onartu behar den mantenua ordaindu ahal izango den jakin gabe. Arduragabekeria iruditu zitzaion eta gaia atzeratzeko eskatu zuen: "Bozketan ezezkoa eman zuen, aretxabaletarrok ordain dezakegun kirol etxerik onena nahi dudalako".

ETXE TASATUAK, HUTSIK

Deba ibaiaren beste aldean Bruesa enpresa eraikitzailea egiten dabilen etxebizitza tasatu batzuk hutsik daude, eta zozketa egiteko hitzarmena onartu zuten. Talde ezberdinak egingo dituzte zozketatzeko: lehenengoan sartuko dira aretxabaletarrak, diru sarrearen baremoan sartzen direnak eta etxerik ez dutenak; bigarrenan, Debagoienekoak; hirugarrenan, diru sarrera maximoak gainditzen dituzten Debagoienekoak; eta laugarrenan, interesa duten guztiak, baita etxe baten jabe direnak ere.

Hala ere, etxeren bat hutsik geratuz gero, Bruesak nahi bezala saltzeko aukera izango du, betiere prezioa errespetatuta. Ezker Batua-Berdeetako zinegotziak esan zuen babestutako etxeen filosofiaren aurka zihola "libreak diraleko etxe horiek", eta ezezkoa eman zion.

ERLIJIOA > ASTE SANTUA

Gurutze-bidea, otoitzaldiak eta elizkizun asko egunotan

Parrokiatik Izurieta auzoko elizara egingo dute gurutze-bidea Ostiral Santuan

M.A. > ARETXABALETA

Bihar hasi eta domekara bitartean Aste Santua ospatuko dute herriko kristauek, eta, urtero legez, otoitzari eskainitako tarreak gertatu ditu Leintz Pastoral Barrutiak.

Bakarkako aitortzak egin da hasiko dute Ostegun Santua (11:00-12:00) eta arratsaldean Jaunaren azken afariko eukaristia izango dute, lehenengo agustindar mojen monasterioan (18:00) eta gero parrokian (19:00). Eta eguna bukatzeko otoitzaldia egingo dute monasterioan (21:30).

Ostiral Santuan gorespelak izango dituzte monasterioan (09:00) eta gero gurutze-bidea egingo dute parrokiatik Izurietako elizara (11:00). Jaunaren nekaldiko ospakizunak izango dira arratsaldean monasterioan (16:00) eta parrokian (17:30). Zapatuan, Pazko Gaubeila ospatuko dute bi elizetan (21:00), eta parrokian, gainera, umeak bataiatuko dituzte.

Eta domekan, lehen eukaristia (09:00) monasterioan izango da eta Pazko-domekako meza nagusia, parrokian (11:30).

AUZOETAN EZ DA ELIZKIZUNIK

Auzoetan ez da izango elizkizunik Ostegun eta Ostiral Santu egunetan. Pazko-domekan, oster, bai; apirilako domeka guztietan legez, Goroeta auzoko parrokian esango dute meza, 12:30ean.

M.A. > ARETXABALETA

Ezohiko eta premia osoko bilkura egin zuen udalbatzak joan den egunean, hilak 2, lehenbailen onartu beharreko hainbat gai atzeratu egin zituztelako martxoaren 30ean egindako bilkuran. Mitarte kaleko saneamendu eta berritze lanen adjudikatzea egin zuten, bi enpresak puntu berdintsuak zituztelako. Gaia Hiritzintza batzordean aztertu ostean, Amaral enpresa eraikitzaileari ematea erabaki zuten, eta aho batez onartu. Otorla kaleko

HIRIGINTZA > ESTATUKO FONDOKO LAGUNTZAK

Estatuko Fondoarekin ordaindutako lanak, abian

Luis Ezeiza ikastetxeko su-detektagailua hobetzeko lanak amaituta daude dagoeneko

Kulunkako haurtzaindegia eta Udal Liburutegiko teilatuak konpontzeko obrak hasita daude

MIRIAN BITERI > ESKORIATZA

Espainiako Estatuko Fondoetako laguntzarekin egingo diren hamar proiektuetatik bi hasita daude dagoeneko. Pedro Lasagabasterrek jakinarazi duenez, Luis Ezeiza ikastetxeko su-detektagailua hobetzeko obrak amaituta daude. Zehazki, gas berogailuaren makina-gelan su eta eztan den aurkako sisteman atzemandako arazoak konpondu eta berokuntza instalazioa egungo legediari egokitzeko lanak egin ditu han Urko Mantenimiento enpresak. Bi egun behar izan ditu horretarako. Aurrekontua 2.755 euro izan da.

Horretaz gain, Kulunka haurtzaindegia eta Udal Liburutegiko teilatua konpontzen ere hasi dira. Debagoiena SL arduratzen

ari da lan horietaz. Bi teilatu horietan dauden arazoak konpontzeko gutxienezko obrak egin dihardute: estalki zelularra aldatzea, itoginak konpontzeko erretila egitea, erretenak eta zorrotenak aldatzea eta teilatura igotzeko tranpa-ohol berria jartzea. Hilabeteko epea dute hori guztiori egiteko; hain zuzen ere, 14.594 euro bideratuko dira.

BESTE BOST PROIEKTU ESLEITUTA

Lasagabasterrek gaineratu du beste bost proiektu esleitura dardela dagoeneko. Horietako bi proiektu hemendik gutxira abian jarriko dituztela jakinarazi du; obretan jarri behar den kartelaren zain dago Udala. Construcciones y Excavaciones Ferreira enpresak Lete eta Eraña elizate



Liburutegiko teilatua konpontzen ari dira orain.

M.B.

arteko bidean hormigoia botatzeko hilabeteko epea izango du eta aurrekontua 38.843 euro da. Zari-mutz elizateko Mendibe eta Uribil-Buruntzako baserrien arteko bidean hormigoia botatzeko, berriz, bi hilabete izango ditu Excavaciones Arrasatek. Azken egitasmo horretarako 41.149 euro bideratuko dira.

Lanen hasiera oraindik zehazteke badago ere, beste hiru proiektu esleitu dira azken asteotan.

Ramel Albañeleria y Construcción enpresak Santa Ana kaleko 19. zenbakiko lehenengo solairuan dagoen udal etxebizitza birgaituko du; lau hilabete iraungo dute lanek. Zirkuitu elektrikoa, saneamendu eta iturgintza sistema eta arotzeria nahiz lurreko eta hormetako zoladura berritzeko 36.184 euro beharko dira.

Enpresa berak Txistularien arrateko parkineko autoendako sarrera inguruan plaketa hidrau-

likoa jarri eta hormigoizko hormetan murala egingo du. Goialdean, gainera, bukatu barik dagoen lorategia txukundu eta parkingeko sarreran segurtasun baranda jarriko du. Bi hilabete eta 20.556 euro izango ditu horretarako. Esleitu den azken proiektua Erañako ur hornidura sarea bi hilabeteko konpontzearena da. Excavaciones Arrasatek egingo du eta egitasmo horren aurrekontua 52.112 euro da.

INGURUMENA > ERAKUSKETA

'Zaborreria: birziklatuz sortu' erakusketa ikus daiteke Ibarraundin hilaren 30era arte

M.B. > ESKORIATZA

Debagoieneko hainbat herritan ikusgai egon ostean, joan den astelehenean Amaia Zinkunegiren eta Ines Gerekaren *Zaborreria: birziklatuz sortu* erakusketa zabaldu zuten Ibarraundi museoan. Birziklatutako materialarekin egindako lanak apirilaren 30era arte bisitatu ahal izango dira.

Esan bezala, ingurunean dugun zaborra beste era batera birziklatuz lortutako sormen lanak dira erakusketa horretako protagonistak. Askotariko materialak erabili dituzte, hala nola kartoia, alanbrea, plastikoa, oiha, papera eta latak. Baina baita natura berak eskaintzen dituenak ere: sustraiak, adarrak, harriak eta hezurak.

Erakusketak hainbat helburu ditu; tartean, birziklatzea modu



Besteak beste, material birziklatuarekin egindako aulkiak ikus daitezke.

M.B.

praktikoan landuz, inguruneaz gehiago jabetzea; gaur egun kultura kontsumitzaileaz hausnartzea; edo botatzen ditugun objektuei erabilera berria ematea.

Erakusketa astelehenetik bari-kura, 09:00etatik 14:00etara eta 17:00etatik 19:00etara dago zabalik. Aste Santuko jaiegunetan, baina, itxita egongo da museoan.

oharrak

KONTZERTUA

> **Gose taldeak kontzertua eskainiko du gaur gauean Inkernun**

Aitzorrotz kultura elkarteak kontzertua antolatu du gaur gaueko. Arrasateko Gose taldea Inkernu tabernako agertokira igoko da 23:00etan. Sarre-
ra librea da.

ZERGAK

> **Trakzio mekanikoko ibilgailuen tasaren ordainketa gaur arte**

Aurtengo ibilgailuen zerga ordaintzeko epea gaur, eguaztana, amaituko da.

MASAJEA

> **Gaur amaitzen da masaje bateratuaren izenematea**

Masaje bateratuaren gaineko ikastaroa gertatu dute apirilaren 23tik ekainaren 18ra. Gaur arte eman daiteke izena.

ERAKUSKETA

> **Margo lehiaketaren margolanak ikusgai Ibarraundin**

Eskoriatzako III. Margo Lehiaketaren lanen erakuske-

ta ikusgai dago Ibarraundin hilaren 17ra arte. Aste Santuko jaiegunetan museoan itxita badago ere, apirilaren 14tik aurrera, 09:00etatik 14:00etara eta 17:00etatik 19:00etara bisitatu ahal dira.

TRUKEA

> **'Bat ekarri/Bi eruen' azokarako liburuak hilaren 17ra arte aurkezteko liburutegian**

Irakurtzeko zaletasuna bultzatzeko, Udalak *Bat ekarri/Bi eruen* izeneko truke azoka antolatu du. Liburuak apirilaren 17ra arte eraman ahal izango dira liburutegira.

LEHIAKETA

> **Apirilaren 19ra arte aurkezteko bideo lehiaketarako lanak**

Kataia eten barik egitarauaren barruan, bideo lehiaketa dago aurten lehen aldiz. Lanak aurkezteko azken eguna apirilaren 19a da. Informazio gehiago gura dutenek, kultura@eskoriatza.net helbidera idatz dezakete.

Balentin Aperribai > Trikitilaria

"Trikitia ikasiz gero ez du merezi lagatzerik; jotzea polita da, parrandan bada ere"

IRATI AGIRREAZALDEGI > ANTZUOLA
Osintxuko Lesarrioso baserrikoa, ezkondu eta Antzuolan bizi da. Dultzaina jotzen hasi zen Azkoitian eta gero panderoa eta soinua jotzen bere kontura ikasi zuen. Ikasi ez ezik baita erakutsi ere. Debagoieneko Trikiti Eguna aurten Antzuolan egingo dela-eta, herriko trikitirako zaletasunaz eta bere irakasle lanaz jardun dugu Aperribairekin.

Noiz hasi zinen trikitian?

Gazterik hasi nintzen soinua jotzen nire kontura, eta gero, Alejandro Telleria *Gorriz*-ekin, baita Lertxundirekin ere.

Trikitia jotzetik, umeei erakustera pasatu zinen.

Etxeko sukaldean ibiltzen nintzen erakusten eta txandaka 40 bat ume inguru pasatu ziren. Nik trikitirako zaletasuna nuen, eta neska-mutikoez poza ematen zidaten. Hortaz, nekiena erakutsi besterik ez nuen egiten. Nirekin panderoan hasi eta asko soinua ikastera pasatu ziren gero. *Epelarre* etorri zen soinu txikia jotzen erakustera.

Zure ikasle izandakoak entzutea gustuko duzu?

Bai, beti eman izan dit poza, baina aspaldian oso gutxi dabilta ordukoak; ni ere gutxiago nabil, pixkanaka motelago.

Orain jotzen duzu panderoa?

Gehienetan kasetea ipini eta horrela entrenatzen naiz, baina gero eta gutxiago jotzen dut. Noiz edo noiz egiten dut bazkariren bat lehen ikasle izandakoekin, eta orduan animatu eta jotzen dut.

Trikitia kasetean bakarrik entzuten duzu?

Irratian askotan entzuten dut, baita kasetean ere, eta San Jose inguruan Azkoitian egiten duten trikiti jaialdira ere urtero joaten naiz. Arratera, Urkiolara... erromerietara ere asko joandakoa naiz, baina aspaldian gutxiago.



Balentin Aperribai, etxean, soinu txikia jotzen.

IRATI AGIRREAZALDEGI

"Etxeko sukaldean ibiltzen nintzen panderoa jotzen erakusten"

"Oraindik etxean jarduten dut kasetea ipini eta bakarrik panderoa jotzen"

Oraingo trikitia gustuko duzu?

Diferentea da. Erraz jotzen dute, baina piezak arraroak dira, askorekin dantzan ere ezin daiteke egin. Lehengo trikitilari zaharren piezak ditut gustukoago. Gazteek solfoea ere badakite, eta guk dena buruz egiten genuen, entzundakoa jo eta kito. Lehengo soinuak plazarako biziagoak ziren, baina jotzeko, oraingoak finoagoak eta arinagoak.

Antzuolan oraindik badago trikitirako zaletasunik?

Galduta egon zen garai baten, baina *Epelarre* eta biok erakusten hasi ginenean pixka bat indartu zen. Orain, noizean behin irte ten dira gurekin ikasitako batzuk, baina beste asko lagatakoak dira. Orain, txikiak polito datoz, baina indar pixka bat falta zaie; hala ere, jarraitu ezean, akabo.

Debagoieneko Trikiti Eguna Antzuolan da. Gogoz zaude?

Nire ikasle izandakoekin irtengo naiz egun horretan, eta gogoz nago. Oraindik domeketan eta etxean jarduten dut bakarka panderoa jotzen. Behin ikasiz gero ez du merezi lagatzerik; parrandaren baten bada ere, jotzea polita da. Lehen, erromeria batetik bestera ibiltzen ginen. Orain, edozein herritara joan eta trikitilariak jotzen egon arren inork ez du dantzarik egiten, eta horrek pena ematen du.

HIRIGINTZA > OBRAK

Kalegoiko lanak direla-eta desbideratzea egingo dute

I. A. > ANTZUOLA

Aste Santu ostean hasiko dira Kalegoiko lanak egiten, eta obrek irauten duten bitartean ibilgailuek debekatua izango dute kale horretan ibiltzea. Zirkulazioan traba gutxi eragiteko desbideraketa egingo dute. Sagastitik Antiguara joateko Elco, Navarro, Oerlikon... lan-tegien aurreko aldetik pasa beharko da. Autobus geltokietan ere egingo dituzte aldaketak: Zumarragarako autobusak Antiguara geratuko dira eta Bergarara doazenak, Olaranen.

PAZIENTZIA ESKAERA UDALETIK

Udaletik aurreikusi dute Kalegoiko azpiegitura eta zoladura lanek uztaillaren erdialdera arte iraungo dutela, eta barkamena eskatu nahi diete epe horretan kalteak jasango dituztenei, batez ere Kalegoiko bizilagunei.

Barkamena ez ezik, ulertortasuna eta pazientzia ere eskatu nahi diete herritarrei eta gidariei, "gingo diren lanek Antzuolako herritar guztiei ekarriko baitie onura", diote herrian barrena zabaldutako bandoan.

> AISIALDIA

Uztaileko aisialdi ekintzetan umeekin jarduteko begiraleak behar ditu Udalak

Uztaillaren 1etik 16ra umeendako ekintzak antolatzeke begiraleak behar ditu Udalak. Izena emateko, udaletxean inprimakia bete edo mezua bidali behar da kultura@antzuola.net helbidera apirilaren 30a baino lehen. Euskaraz jakitea eta 18 urtetik gorakoa izatea dira baldintzak; begirale titulua izatea baloratu egingo dute.

> ERRETIRATUAK

Urteko batzar orokorra egingo dute erretiratuek Landatxopen apirilaren 18an

Apirilaren 18an, zapatuan, urteko batzar orokorra egingo dute erretiratuek Landatxo elkartearen. Zuzendaritzako kideen aldaketa izango da landuko duten gaietako bat. Bilerarako lehen deialdia 17:00etan da eta 17:30ean bigarrena.

> MUSIKA

Trikitilari beterranoek apirilaren 15ean Olaranen dute hitzordua Trikiti Eguneko saioa gertatzeko

Debagoieneko Trikiti Eguneko antolatzailen esanetan, gaur egungo ikasleez gain lehenagokoek ere izango dute lekua jaietan. Kalejiran eta eguerdiko saioan jardungo dute beterranoek eta saioa gertatzeko apirilaren 15ean elkartuko dira, 19:00etan, Olaranen.

> OSPAKIZUNA

Aberri Egunean Irun eta Hendaia artean egingo den ibilaldirako dei egin du udalbatzak

Antzuolako udalbatzak, azken udalbatzarrean gaia eztabaidatu ostean, Nazio Ertabaida Guneak egindako Aberri Egunerako deialdiarekin bat egin du. Hortaz, antzuolarrei dei egin diete apirilaren 12an Irun eta Hendaia artean egingo den ibilaldira joateko.

SUKALDEKO ALTZARIAK
Harizki

**MUEBLES
IGEA**

Sukalderako eta bainurako altzariak
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80

zabalo
IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. eta faxa:
943 76 60 89

ZAHAR BERRITZEAK:

Fatxadak

Bainugela eta sukaldea

Lokal komertzialak

Teilatuak

ERLIJIOA > ELIZKIZUNAK

Ez da izango prozesiorik Aste Santuan aurten

Parrokian elizkizun bereziak izango dira: gurutze-bidea eta Pazko beila, besteak beste

IRATI AGIRREAZALDEGI > ELGETA

Aste Santua, izenak eta tradizioak adierazten duen moduan, eliza giroan ospatzen du askok, adineko jendeak batik bat. Hori dela eta, jaiegunetan elizkizun bereziak izango dira Jasokundeko Andre Mariaren parrokian.

Eguren Santuan, 18:00etan, Jesusen azken afariaren elizkizuna egingo dute; Egubakoitz Santuan, 09:00etan, gurutze-bidea eliza barruan, eta 18:00etan Jesusen nekaldiaren ospakizuna; zapatuan, Pazko beila izango da 22:00etan; eta domekan, 12:00etan, ohiko meza.

IRUDI PISUTSUAK

Prozesioa ere herri askotan ohikoa izaten da Aste Santuko eliza ospakizunetan. Aurten, ordea, ez da prozesiorik izango Elgetan.

Iaz, eguraldia txarra zela-eta, bertan behera utzi behar izan zuten prozesioa; aurten, berriz, ez egiteko erabakia aurrez hartu dute. Elizan esan digute irudiek pisu handia dutela, adinekoendako gehiegi dela, eta ez dagoela gazterik horiek eramaten lekukoa hartuko duenik. Hortaz, elizan ipiniko dituzte jendeak ikus ditzan, baina herriko kaleetara ez dituzte aterako.

LANDETXEAK BETETA

Batzuek elizan eta besteek opor giroan, kanpora bidaiak eginez ospatuko dute Aste Santua.

Opor egunak aprobetxatuz Elgetatik kanpora joango denik bada, baina baita oporretan Elgetara etorriko denik ere. Izan ere, Elgetan turismorako egokitutako bi landetxeak Aste Santurako beteta daudela esan digute jabeek. Herrian, San Roke kalean, dagoen ostatuan ere Aste Santuan iaz baino jende gehiago izango dutela esan digute, hala ere, oraindik tokia badagoela. Turistak Madrildik eta Kataluniatik etorriko dira aurten eta guztiak dira bezero berriak, lehen aldiz Elgetako turismo etxeetara oporretan datozenak.



Elizan ipiniko dituzte santuen irudiak ikusgai, eta elizkizun bereziak izango dira parrokian.

GOIENKARIA

> TELEBISTA

Ekainaren 14an abestuko du Kantari saioan Elgetako taldeak

Jone Elkorok, Maialen Zubiaurerek, Naren Muñozek eta Goizaldi Arotzenak osatutako taldeak Sukan taldearen *Zarena Zarela* kantua abestuko du Goiena Telebistako *Kantari* saioan. Aste Santu ostean egingo dute entsegua, eta, koreografia ikasi ostean, gogor saiatu beharko dute lehiaketako egunera bitartean letra ikasten eta dantza lantzen. Ondoren, ekainaren 14an, domeka, Bergarako Zabalotegi aretoan 19:00etan grabatuko dute elgetarrek euren abestia eta dantza lehiaketan. Bitartean, lehiakideek goiena.net/blogak/kantari blogeko helbidean dute informazioa eta euren kantua.

> ANTZERKIA

'Good sex good day' antzezlanerako sarrerak salgai daude

Yolanda Garcia Serranok idatzi eta zuzendutako *Good sex, good day* edo *Lo que ellos ignoran de ellas* antzezlan izango da apirilaren 24an, egubakoitza. Espaloian, 22:30ean. Zuzendari ezaguna da, Espainiako zinemagintzan egindako komedia lanengatik. Komedia giroko lana ekarriko du Espaloira ere. Hortaz, umore bizi eta fineko antzerkia ikusi nahi duenarendako sarrerak salgai daude 13 eta 11 euroren truke. Taula gainean hiru aktore ezagun ikusiko ahal izango dira: Susana Solet, *Vaya Semanita* te lebiga saioa; Itziar Urretabizkaia, *Goenkale* saioa; eta Idoia Merodio, *Esto no es serio, ¿o si?* saioa.

> KIROLA

Aste bukaeran ez da frontenis txapelketako partidurik izango

Aste Santuko jaiegunak direla-eta, aste bukaera honetan ez da frontenis txapelketako partidurik jokatu. Hortaz, txapelketako hurrengo norgehiagokak Aste Santu ostean jokatu dituzte: apirilaren 18an eta 19an, hain zuzen ere. Zapatu eta domekako partidu horiek izango dira liga eran jokatu txapelketako azken partidurik, bai sailkapenari dagozkionak. Izan ere, ondoren, apirilaren 25ean, finalerdiak izango dira jokoan eta maiatzaren 9an jokatu diren finaleran erabakiko da zein diren aurten go I. frontenis txapelketako bikote irabazleak, gizezkoetan zein emakumezkoetan.



Erretiratuen elkarteko zuzendaritza batzordea Ozkarbin.

GOIENKARIA

JENDARTEA > ERRETIRATUAK

Xalbadorpe izena ipini diote erretiratuen elkarteari

Manu Sarasua eta Begoña Ardantza dira zuzendaritza batzordeko kide berriak

I. A. > ELGETA

Erretiratuen elkarteko zuzendaritza batzordea zazpi lagunek osatzen dute eta azken batzar orokorrean erabaki dute bi kide aldatzea. Joaquín Gastesik eta Mertxe Elorriagak utzi dute batzordea eta Manu Sarasua eta Begoña Ardantza sartu dira.

Hortaz, zuzendaritza berrian Zezilio Totorikaguena da presidente; Pedro Mari Ubea presidenteorde; idazkari Guadalupe Ibarbia; diruzain Manu Sarasua eta bokalak Nati Arrieta, Irene Bolinaga eta Begoña Ardantza.

Zuzendaritzako kideak ez ezik elkartearen izena ere aldatu dute. Orain arteko izena

(Zaharren biltokia) gustuko ez zutela-eta lau izen berri ibili dituzte esku artean eta azkenik adostu dute Xalbadorpe Erretiratuen Elkartea izena ipintzea. Batzarrean, diru kontuak eta Udalak eta Ozkarbi elkarteak egoitzaren gainean duten akordioa ere aipatu zituzten.

MAHAI JOKOAK

Bestalde, erretiratuek mahai jokoen txapelketa izan zuten apirilaren 3an. Briskan Itziar Elorriaga eta Rufina Arantza izan ziren irabazle; musean, Jose Luis Irazabal eta Tomas Arizmendiarrrieta; eta tutean, Patxi Arantzabal eta Zezilio Totorikaguena.

KIROLA > TXIRRINDULARITZA

Jone Muxikari omenaldia egingo diote apirilaren 18an

Bi bizikleta ibilaldi eta umeendako jolasak izango dira

I. A. > ELGETA

Iaz Asentzión hasitako bideari jarraituz, bizikleta jaia antolatu du Udalak apirilaren 18rako. Goizean barrena hainbat ekintza izango dira: 09:30ean abiatuta bi bizikleta ibilaldi izango dira aukeran. Batzuek errepideko bizikletarekin egingo dute buelta eta mendian besteak.

Goizean goiz abiatuko dira batera eta bestera txirrindulariak, baina txikiak beranduago dute hitzordua. 11:00etatik 12:00etara bitartean Salbador kalean elkartuko dira umeak eta jolasak egingo dituzte, betiere bizikletan.

MOKADUTXOA ETA OPARIA

Bizikletan ibilaldia egitera irtendakoek eta umeek Salba-

dor kalean bat egingo dute 12:00ak inguruan eta mokadutxo baten bueltan Jone Muxika herriko txirrindulariari omenaldi xumea egingo diote. Antolatzaileek esan digutenez, egin duen denboraldiarengatik merezitako oparia jasoko du.



Jone Muxika.

GOIENKARIA

ARAMAIO > MULTIABENTURA ASTEBURUA

Sellaren jaitsiera kanoaz egiteko aukera izango da maiatzaren 16an eta 17an

Zuiako Koadrilak 12 eta 20 urte bitarteko gazteendako multiabentura asteburua antolatu du; Asturiasera egingo dute irteera



Multiabentura asteburuan, besteak beste, Sellaren jaitsiera egingo dute. GOIENKARIA

ARRITXU BARRUSO > ARAMAIO

Abentura gustuko duten gazte txoek hitzordua daukate maiatzaren 16an eta 17an; izan ere, Zuiako Koadrilak multiabentura asteburua antolatu du bi egun horietarako.

Asturiasera egingo dute irteera, Avin herrira. Bertan, besteak beste, Sellaren jaitsiera egingo dute kanoaz, eta baita Caresko ibilbidea ere. 12 eta 20 urte bitarteko gazteei zuzendutako irteera da.

Multiabentura asteburuan parte hartu nahi dutenek 70 euro ordaindu beharko dituzte; prezioan honakoa sartzen da: aterpea, autobusa, segurua, larunbateko afaria, ekintzak, materiala eta igandeko gosaria eta bazkaria.

Izena emateko epea maiatzaren 4an amaitzen da. Egun hori baino lehen aurkeztu beharko dira inskripzioa orria eta bankuko ziurtagiria. Honako kontu korrontean sartu behar da dirua: 20970224980102619817. Aramaioko

udaletxean edo Zuiako Koadrilako bulegoetan eman daiteke izena. Plazak mugatuak dira eta zozketa bidez banatuko dira. Informazio gehiago nahi izanez gero 945 43 01 67 telefono zenbakira deitu behar da.



GOIENKARIA

Aramaioarrak, Korrikarekin bat

Korrika aurtan Aramaiotik igaro ez den arren, aramaioarrek euskararen aldeko kilometroa egin zuten domeka goizean. 08:50ean iritsi zen Korrika Duranara. Bertan, Aramaioko Udalak kilometro bat zeukan erosita eta kilometro hori egitera joan zen aramaioar talde bat; 15 lagun inguru elkartu ziren.

> ARAMAIO

Udalekuetan izena emateko aukera uztailaren 8tik 21era

3 eta 12 urte bitarteko gazteek udalekuetan parte hartzeko aukera izango dute aurtan berriro ere. 10:00etatik 13:00etara izango dira eta baserrietan bizi direnentzat autobusa ipiniko dute. Udaletxean eman behar da izena maiatzaren 8a baino lehen. Monitore moduan lan egin nahi dutenek ere epe bera daukate izena emateko; 17 urte baino gehiago izan behar dituzte. 240 euro ordainduko zaie.

> ARAMAIO

Arbeleko bazkideek batzar orokorra eta bazkaria, hilaren 18an

Aramaioko Baserriarren Elkartearen eguna izango da apirilaren 18an. 12:30ean batzar orokorra egingo dute eta bertan, Arbel kooperatiba izatera pasatzea onartuko da. Hori horrela, ahalik eta bazkide gehien joan dadin nahi dute. Ondoren bazkaria egingo dute eskolan. Bestetik, Arbel Eguna dela-eta, 12:00etan hasita, plazan, herri kirolak egingo dituzte herriko gazte-txoendako.

LEINTZ GATZAGA > LANAK

Martitzenean hasiko dira hainbat baserriko bide sarrerak zabaltzen

Gatzagainen hainbat garbiketa lan egiten dabilta orain: ganadua ez pasatzeko pasabidea eta Gatzainuzketara doan uraren hodia

MIRARI ALTUBE > LEINTZ GATZAGA

Hainbat lan egiten dabil egunotan Gatzagan larreen ardura duen Aldundiko saila. Joan den egubakoitzean hasita Gatzagainen ingurua garbitzen dabilta; ganadua ez pasatzeko pasabidea txukundu dute eta hormigoia bota 10-15 metroan –behiek ez dezaten alde egin bertatik–. Gatzainuzketara doan ur hodian ere konponketak egingo dituzte, sarritan trabatu egiten delako.

BURDINKURTZEKO SARRERA

Bestalde, datorren martitzenean, hilak 14, hainbat baserriko doazen bide sarrerak zabaltzen hasiko da Aldundiko Errepide Saila. Aurrez iragarrita zeukaten Arrateko bidearekin hasiko zizutela lanok, luzeenak izango direlako, baina astelehenean egindako bisitan konturatu ziren lurrean egindako seinaleak ezabatuta daudela. Hala, Burdinkurtzeko bide sarrera zabaltzen hasiko



Ganadua ez pasatzeko pasabidea garbitzen dabilta Gatzagainen.

M.A.

dira martitzenean eta bukatutakoan egingo dituzte Arrateko lanak. Bukatzeko Gatzagainen ingurua konponduko dute. Lanok bi hilabetetan egingo dituztela esan

dute Errepide Saileko arduradunek. Izan ere, behin autobidea zabalduta, zirkulazio txikiagoa egongo dela uste dute eta lanak samurrago egingo dituztela.

Hiru horiekin batera Olaun aldeko bide sarrera zabalduko dute –Arlabango errepidean–, baina lan horiek Udalaren esku utzi ditu Errepide Sailak.



ORLY-Tiretu! taldeko debagoiendarrak Markel Irizarrekin eta Euskalteleko mekanikoekin Erpe Meren (Belgika), domekako lasterketa amaitu eta gero, hotelean. XABIER URTZELAI

TXIRRINDULARITZA > IPARRALDEKO KLASIKOAK

"Pena da, baina ziklistok ez dugu proba hauetaz gura moduan gozatzen"

Markel Irizarrek Flandriako Tourra korritu zuen domekan. Gaur, eguaztena, Gent-Wevelgem proban izango da eta domekan lehiatuko da Paris Roubaix lasterketan

XABIER URTZELAI > BERGARA

Egunotan txirrindularitzan Euskadiko Itzulian da albiste. Gaur, eguaztena, hirugarren etapa korrituko dute, eta txirrindulariak Debagoienetik igaroko dira; 15:00ak inguruan Arlabanetik sartuko dira ibarrera, eta Bergarara jaitsita (15:45) Elgetarako bidea hartuko dute etapa Arraten amaitzeko.

Baina, ibarreko txirrindulari profesionalak beste lasterketa batzuetan dabiltza egunotan. Iban Velasco Lizarrako Itzulian lehia-

tu zen asteburuan -47.a-, eta Markel Irizar Belgikan dago, iparraldeko klasikoetan esku hartzen. Hain zuzen ere, Flandriako Tourra korritzera -proba zikloturista-, eta profesionalen lasterketa ikustera Belgikara bidaia egin zuen Debagoieneko taldearekin izan zen Oñatiko ziklista.

GALTZADA-HARRIAN KORRITZEA

Ronde van Vlaanderen edota Flandriako Tourra da iparraldeko klasikoen artean ikusgarrienetako bat. Profesionalak korritu baino egun bat lehenago zikloturistendako antolatzen dute lasterketa -zapatuan 19.000 lagunek hartu zuten parte proban-, eta ibarretik joandakoek bertatik bertara ikusi ahal izan zuten zer den galtzada-harri gainean bizikletan ibiltzea. Markel Irizar ohi-tuago dago horretara: "Flandriako probarekin alderatuta, baina, datorren domekan egingo dugun Paris-Roubaix gogorragoa da. Galtzada-harriak askoz ere koska handiagoak ditu eta kilometro

asko dira bizikleta gainean". Oñatikoaren asmoa da gaurko Gent-Wevelgen proban aurrean ibiltzea, domekako lasterketarekin



Irizar Geraardsbergen-eko murru ezagunean, Kapeelmur-en.

GORKA ITURBE

ez zen-eta erabat gustura geratu; 65.a izan zen: "Orain dela bi urte aurrean ibili nintzen, eta hori hobetu gura nuen, baina eroriko batengatik tropela hautsi eta atzeko taldetxoan geratu ginen".

Irizar bere saltsan dabil, lasterketa klasikoetan, baina gehiago gozatu gurako lukeela aitortu du: "Hamar urte barru ikusle moduan etorriko naiz, eta orduan gehiago gozatuko dut, seguru. Izan ere, lasterketa barruan ziklistok urduri ibiltzen gara, eta ez gara ohartzen proban egoten den giroaz".

FUTBOLA

Realeko eta Athleticen gazteak Agorrosinen

Zapatuan jokatuko dute, 17:00etan, gazteen torneoko kanporaketa

X.U. > BERGARA

Aste Santuan beteko ditu Realeko gazte mailako nazioarteko txapelketak 25 urte, eta aurtengo ediziorako hainbat berrikuntza egin dituzte. Eta, garrantzitsuenak da txapelketa lehengo modura antolatuko dutela: ate irekien jardunaldi barik, inaugurazio egunean hiru partidu jokatuko dituzte.

Egubakoitzean hasiko dute torneoa Zubietan, eta zapatuan jokatuko dute Debagoieneko norgehiagoka bakarra, Reala eta Athletic, 17:00etan hasita, Agorrosinen.

ZORTZI TALDE

Aurtengo txapelketarako Reala Athletic, Atletico Madril, Sevilla, Bartzelona, Osasuna, Valentzia eta Gipuzkoako selekzioa gonbidatu ditu. Oñenek astelehenean jokatuko dute finala, 12:00etan Anoetan.

> SASKIBALOA

Ointze!-k saskibaloia entrenatzaile ikastaroa antolatu du

Gipuzkoako saskibaloia federazioarekin batera Ointze!-k lehenengo mailako entrenatzaile ikastaroa antolatu du. Ikastaro hori apirilean hasiko dute -gaur da izena emateko azken eguna- eta uztaile arte emango dituzte eskolak. Gorka Nuñez, Javi Zurbano, Jordi Llopis, Ruben Sanchez eta Gorka Zurututza dira eskolak emango dituzten irakasleak. Ikastaroak 260 euro balio ditu eta izena emateko deitu 943 47 33 24 telefono zenbakira.

GOKI ERREFORMAK, S.L.

OBRAK ETA PROIEKTUAK

Teilatuak • Fatxadak • Barruko obrak

Irizar ibilbidea 1, behea 20570 BERGARA

Tel.: 943 76 53 42 • Faxa: 943 76 52 16

bergara@gokierreformak.es / www.gokierreformak.net





> **MUSIKA**
Kataia talde afrikarrak saioa egingo du Oñatiko Topalekuan > 22



> **ANTZERKIA**
Erbestetik itzuli ezin den gizon baten ametsak, Bergarako Aroztegin > 23

> **BEA ASURMENDI**
Aramaioko gaztearen familian musikaririk ez dagoen arren, bera oso zalea da. Abestu eta gitarra jotzen du eta gospel talde baten aritu nahiko luke > 26



Egile eskubideen izenean, bibliotekak diru iturri bihurtu

Liburutegietako kanona berbagai izango du Blanca Calvo adituak hilaren 29an Kulturaten, 19:00etan

Ibarreko bibliotekak ez dakite noiz eta nola aplikatu behar den

JOKIN BEREZIARTUA > BERGARA

Pentsa bazkide zaren zure herriko bibliotekara joan eta lagun batek gomendatu dizun liburu bat maileguan hartzeagatik ordaindu egin behar duzula. Lasai, ez zara nahastu: liburutegian zaude, eta ez liburu dendan. Baina biblioteketan ezarri gura duten kanonarekin egin duzu topo, eta, hortaz, liburu, disko edota film bat maileguan hartzeagatik ordaintzera behartuta zaude, nahiz eta, hasiera baten, ez den diru askorik izango; 20 zentimo inguru dela esaten da, baina ez dago zehaztuta.

Halako egoerak biziko dira biblioteketako kanona aplikatzen bada. Auzia 1992ko azaroan hasi zen, Europako Batasunak kanona aurreikusten zuen zuzentaraua onartu zuenean. Zuzentaraua onartzeak eztabaida sakona zabaldu zuen: jabetza intelektual eta egileen eskubideak noraino diren jabetza eta noraino diren eskubide. Espainiako Estatuan, 2007ko Biblioteken Legeak oihartzun mediatiko handia eragin zuen, kanona aplikagarri egiten zuelako. Espainiako Estatuan kontaezinak dira kanonaren aurka agertu diren elkarre, bibliotekari, idazle eta liburutegietako erabiltzaileak.

EUROPAN IA ONARTUTA DAGO

Egun, Europako zenbait herrialdetan kanona ordaindu egiten dute -euro bat-edo-, herrialde garatuenetan batez ere (Britania Handia, Frantzia, Norvegia, Suedia...). Herrialde horietan liburutegi publikoek askoz erabiltzaile gehiago dituzte: hemen herritarren %20; herrialde garatuenetan, berriz, %50.



Biblioteketako kanonak mailegu bakoitzagatik ordaintzera behartuko luke erabiltzailea. Irudian, herritar bat Arrasateko bibliotekatik liburu bat hartzen.

J.B.

Horretaz aparte, badago kanonarekin irakurketa sustatzea lortu duen herrialderik. Hori bai, oso bestelako testuinguru batean eroran da aurrera. Danimarka da kasua. II. Mundu Gerraren ostean, kanonak lur jota zeuden argitaletxei laguntzeko eta bertako hizkuntza sustatzeko balio izan zuen. Nola egin zuten? Bada, danieraz idazten zuten idazleen maileguengatik bakarrik kobratzen. Beste guztiak, doan.

KANONAK, 'OINARRI FALTSUAK'

Biblioteketako kanonak egileen eskubideak bermatzea eta euren lana konpentsatzea ei du helburu. Hala ere, Blanca Calvo Guadalajarako biblioteka publikoko zuzendari eta *Plataforma contra el canon* elkartearen kideak bestelako iritzia dauka.

Gaian aditua da Calvo, eta apirilaren 29an Kulturaten izango da *Pagar por leer en la biblioteca pública* izenburua duen hitzaldia

egiten -19:00etan-. Hitzaldian kanona zer den eta egun egoera nola dagoen izango du hizpide, besteak beste. Kanonari buruz galdetuta, Calvok hauxe adierazi du: "Egun inposatu nahi diguten kanona faltsukeria oinarrituta dago". Gaineratu duenez, "Europar uste da liburuak maileguan utziz idazleei kalte egiten zaiela, baina errealitatea alderantzizkoa da". Hau da, bibliotekak irakurzaletasuna sustatzeaz gain, idazleei mesede egiten dietela uste du Calvok: "Bibliotekan eza-gutu eta gustatu zaizkidan idazleen liburuak errazago erosiko ditut liburu dendan".

'IRAINGARRIA' LIBURUZAINENTZAT

Horretaz guztiaz gain, Biblioteken Legeak (2007) aplikagarri egiten duen kanona liburuzaintzat "iraingarrria" dela uste du Calvok: "Museo batera zoazenean koadro bakoitza ikusteagatik ordaindu behar izatea bezain iraingarrria da, eta, gainera, sekulara paradoxa planteatzen du liburuzaintzat: zenbat eta

ESANAK

"Kanonak paradoxa handia planteatzen du liburuzaintzat: zenbat eta hobeto lan egin, orduan eta gehiago ordainduko dugu"

Blanca Calvo > 'Plataforma contra el canon' elkartearen kidea

hobeto lan egin, orduan eta gehiago ordaindu beharko dugu". Ez zaio arrazoirik falta: zenbat eta mailegu gehiago, orduan eta handiago izango baita bibliotekak CEDRO elkarte pribatuari -SGA-Eren filiala- ordaindu beharko dion diru kopurua.

Calvok argi utzi gura izan du kanonak helburu ekonomikoei bakarrik erantzuten diela: "Ekonomia Ministeriotik datorren zuzentaraua da, Kultura Ministeriotik etorri beharrean", jakinarazi du.

ETA GUREAN... ZER?

Debagoieneko biblioteketan ez da oraindik kanona aplikatu, baina 'mamua' hor dago

Debagoieneko udal biblioteketan ez da kanona aplikatzen. Oraingoz, behintzat. Eskoriatza, Aramaio, Elgeta, Antzuola eta Leintz Gatzagan ezin da mailegu bakoitzeko ordainketarik ezarri, 5.000 biztanle baino gutxiago dituzten herriak direlako. Hala zehazten du 2007ko Liburutegien Legeak. Hortaz, Arrasateko, Bergarako, Aretxabaletako eta Oñatiko udal liburutegiak dira kanonaren mehatxupear daudenak.

Hala, Asun Agiriano Arrasateko haur eta gazte bibliotekako arduradunak, "mamua" hor dagoela jakinarazi du, eta informaziorik eza nagusi dela dio: "Ez digute inongo kontsultarik egin. Gainera, ez daukagu kanona noiz, nola... aplikatuko den -aplikatzen bada- gaineko informaziorik".

MUSIKA > KATAIA TALDEAREN KONTZERTUA

Kataia talde afrikarra Topalekuan

'Balag' musika senegaldarrean oinarritutako abestiak egiten dituzte ukitu pertsonalarekin

Apirilaren 17an, musikaz gain, taldekideek euren bizipenak azalduko dituzte Oñatin

NEREA MENOR > OÑATI

Musika saio didaktikoen zikloarekin jarraituz, Katai taldeak musika saio didaktikoa eskainiko du apirilaren 17an, 18:30ean, Oñatiko Topalekuan.

Aurrekoetan bezala, urruneko beste kultura batera jo nahi izan dute antolatzaileek. Oraingoan, hala ere, Bergara eta Marikan bizi dira taldeko partaideak, izatez Senegal eta Gambiakok izan arren.

Taldea lau kidek osatzen dute: Mamadou Sar, Buba Sar eta Ismail Sar Senegalgo Sine Saloum irletakok dira eta Saliu Cama Gambiakok da. Kataia, taldearen izenak, *te berdea* esan nahi

du Sine Saloungo hizkuntzan. Gitarra bat, perkusio afrikarra eta ahotsak dira euren osagaiak eta sortzen dituzten abestien oinarrian *balag* musika senegaldarra antzematen bada ere, euren beste ukitu bat ematen diotela azaldu dute Topalekuko kideek.

AFRIKAKO BIZIPENAK

Musikaz gain, lau kideen esperientziak ere entzungo dira saio didaktiko horretan. "Euren bizipenak ere entzuteko modukoak baitira", diote Topalekuan. Horretaz gain, euren jatorrizko herrialdeen kultura eta bizimoduaren gaineko azalpenak emango dituzte. Izan ere, Mamadou Sar izan



Euren bizipenak azalduko dituzte Kataia taldekoek.

GOIENKARIA

ezik, gainontzekoak pateratan etorri ziren; haietako bat, Buba Sar, gitarra eta guzti.

Aurretik beste lau kontzertu antolatu dituzte ziklo horren

barruan; tartean, Uruguai eta Malawiko taldeak. Hemendik aurrera, eta bi hilabete behin, saio didaktikoak antolatzeko asmoa dute Topalekuan.

MUSIKA > PUNKA ETA HEAVY METALA

Pazko astean ere zuzeneko musikak ez du etenik izango Arrasateko 3.60 aretoan

Apirilaren 17an punka izango da nagusi; Distorsion eta Material Rechazadok joko dute

Hilaren 18an, berriz, heavyaren zaleendako hitzordua: The Ancient, Gothmog eta Denial



JOKIN BEREZIARTUA > ARRASATE

Aste Santuko oporraldietan ere Arrasateko 3.60 aretoan zuzeneko musika izango da gozagai. Aste bukaera honetan ez da kontzerturik izango –azken hilabeteetan gutxienez kontzertu bat antolatu dute aste bukaerero–, baina Pazko aste egubakoitz eta zapatuan zuzeneko musika izango da.

HILAREN 17AN, PUNKA...

Datorren egubakoitzean punka izango da protagonista. 1980ko hamarkadan jaio zen Barakaldoko Distorsion taldea igoko da taula gainera. Taldeko buru Josu



Goian, Alacanteko Gothmog taldea; behean, Distorsion taldeko Josu.

GOIENKARIA

Distorsion abeslari eta gitarra jolea –goiko irudian– etorriko da, eta, hortaz, ikuskizuna bermatuta dago. Ikuskizuna, eta barre algarak, agertokian egiten dituen erokeriak zenbatezinak dira-eta. Haien aurretik Arrasateko Material Rechazadok joko du; boskote arrasatearrak punk-rocka lantzen du eta haiekin ere ez da ikuskizunik faltako, ezta izerdia eta sentimendua ere. Kontzertua 22:30ean hasiko da.

... ETA 18AN HEAVY METALA

Egubakoitzeko punk gauaren ostean, heavy, black eta death metal doinuak etorriko dira zapatuan. The Ancient, Gothmog eta Denial taldeek joko dute, 22:00etan hasita. Lehen bi taldeak heavyaren munduan nahiko ezagunak dira, The Ancient taldea batez ere. Atenas, Milan eta Norvegiako kideek osatzen dute The Ancient. Gothmog taldea –Torn Asunder taldetik sortutako taldea da–, Alacantetik dator. Hemengo ordezkariak Aretxabaleta eta Arrasateko kidez osatutako Denial taldeak beteko du. Doinu gogorren aste bukaera izango da, hortaz.

KULTURA

Oteitzaren gaineko erakusketa Bergaran

GOIENKARIA > BERGARA

Jorge Oteitzaren jaiotzaren mendeurrenean, *Bizirako proiektua* izeneko erakusketa heldu da Bergarako Aroztegi aretora, eta maiatzaren 3ra arte egongo da ikusgai.

OBRA ULERTZEN

Haren lanaren bilakaera aztertzen da erakusketan, eta haren pentsaera eta sorkuntza adierazpena ezagutarazteko gakoak ematen dira.



Aroztegi erakusketa.

GOIENKARIA

ARETXABALETAKO

Urtubiren paisaiak ikusgai Aste Santuan

Martxo amaieran zabaldu zuen paisaiak osatutako argazki erakusketa

J.B. > ARETXABALETAKO

Aste Santuan herrian geratuko direnek Manolo Urtubi argazkilariaren erakusketaz gozatzeko aukera izango dute. Urtubik martxo amaieran zabaldu zuen erakusketa, Arkupe erakusketa aretoan.

INGURUKO PAISIAK NAGUSI

Erakusketako 20 argazkietatik gehienak Aretxabaleta eta inguruko paisaiak osatzen dute. Urtubik uste duenez, gurean argazki onak ateratzeko "momentu egokiak bilatu behar" dira. Jai eta ospakizunetan ere ateratzen ditu argazkiak, baina horiek argazki artxiboan gordetzeko ateratzen ditu. Izan ere, Urtubi kide den Aretxabaletako argazki taldeak 6.000 argazki dituen artxiboa dauka.

ANTZERKIA > BERGARAKO ZABALOTEGIN

Erbestetik itzuli ezin den gizon baten ametsak, 'Aulki hutsa' antzezlanean

Le Petit Theatre de Pain taldeak egingo du emanaldia Bergarako Zabalotegi aretoan, hilaren 17an

Sarrerak aretoko sarreran eros daitezke hiru euroren truke

MIREIA BIKUÑA > BERGARA

Antzerki herrikoiaren alde egin duen Le Petit Theatre de Pain taldeak emanaldia egingo du hilaren 17an Bergarako Zabalotegi aretoan, 22:30ean. *Aulki hutsa* antzezlana ikusteko sarrerak aretoan bertan eros daitezke hiru eurotan.

Joseba Sarrionandiaren tesuan oinarritutako lana egin dute Le Petit Theatre de Pain taldekoek, eta antzezlana Ander Lipusek zuzendu du. Erbestetik itzuli ezin den gizon baten ametsak kontatzen dituzte. Manex Fuchs izango da taula gaineko protagonista bakarra.



Manex Fuchs-ek bakarrizketa egingo du taula gainean.

LE PETIT THEATRE DE PAIN

PUBLIKO GUZTIARENDAKO

Le Petit Theatre de Pain antzerki taldea kultura eta hizkuntza askotariko 12 lagunek osatzen dute. "Antzerki herrikoiaren aldeko apustua egin genuen

aspaldi. Gure lana publiko guztiari eskaini nahi diogu, haur, gazte eta helduendako. Eurekin konplizitatezko hartu-emana sortu nahi dugu", esan digu taldeko kide Ximun Fuchs-ek.

Duela 13 urte taldea sortu zutenetik zazpi ikuskizun egin dituzte; tartean, euskarazko hiru moldaketa egin dituzte; hain justu ere, *Juglarea, puta eta eroa; Tartean* eta *Aulki hutsa*.

MUSIKA

Gaur, Gose taldearen kontzertua Inkernun

Emanaldia
23:00etan hasiko dute eta sarrera doakoa da

M.B. > OÑATI

Gose talde arrasatearrak kontzertua eskainiko du gaur Eskoriatzako Inkernu tabernan, 23:00etan. Hirukote arrasatearrak orain arte grabatutako bi diskoetako kantuak eskainiko ditu. Lehen diskoa 2005ean argitaratu zuten Oihukarekin eta bigarrena 2007an grabatu zuten Arrasateko Shot! estudioan.

IBILBIDE SENDOA

Ordutik hona ibilbide sendoa egin dute musika munduan arrasatearrek. Besteak beste, *Eutsi!* pelikulako kantua egin zuten. Gainera, *16 eskailera* kantuak Espainiako Arte eta Musika Zientzien Akademiak Euskarazko Kantu Onenaren saria eskuratzeke izendapena jaso zuen; baina ez zuten saria irabazi.

Zain gaituzu,
ordainlekuak zabalik



Eskoriatza – Gasteiz zatia, irekita eta dohainik

Zure marka gogokoenak eta zerbitzu guztiak,
inoiz baino hurbilago:
Gasteizko Boulevardean




Baita zu ere.

Zu ere GOIENKARIA irakurtzen ari zara.

Zuk eta beste 39.000 lagunek baino gehiagok irakurtzen dute astero, CIEsek emandako datu berrien arabera. Eskerrik asko, irakurle guztioi.

- > GOIENKARIA da Debagoiengan gehien irakurtzen den hedabidea.
- > Debagoiendarren %63k astero irakurtzen dute GOIENKARIA.

Goienkaria



Bea Asurmendi > Musikaria

"Kontzertuetan eta baita etxean ere gehien erabiltzen dudana akustikoa da"

Bea Asurmendiren familian ez dago musikaririk, hura da bakarra. "Txikitatik jartzen zidaten musika eta beti alde batera eta bestera musika saioak ikustera joaten ginen". Abestu eta gitarra ere jotzen du, baina lehenengo, kantua aukeratuko lukeela esan digu. Haren ametsa gospel talde batean aritzea da, eta gustuko duen abeslaria Celine Dion dela esan digu.

JASONE ZABALA > ARAMAIO

Bea Asurmendi (Aramaio, 1992) musika munduan murgildurik ibili da txikitatik. Hala eta guztiz ere, esan digu Ingeles Filologia ikasiko duela datorren urtean. Haren ametsa Ameriketako Estatu Batuetako gospel talde batean abestea edo zuzendari lanak egitea da.

Familiatik dator kizua musikarako zaletasuna?

Egia esan, nire familian ez dago abeslaririk, baina oso musikazaleak gara. Txikitatik jartzen zidaten musika, eta beti alde batera eta bestera musika saioak ikustera joaten ginen; batez ere aitarekin, txiki-txikitatik. Kantzen pasatzen nuen denbora osoa. Horregatik, lehenengo mailan eskolako koroan egon ondoren, Aramaioko Papargorri abesbatza hasi nintzen 9-10 urterekin; orain dela bi urte Goikobalun sartu nintzen. Hala ere, oraindik ere herriko abesbatza parte hartzea gustatzen zait, jai eta ospakizunetan, kontzerturen baten... Horretaz aparte ere kantuko eskolara joaten naiz, eta baita solfeora ere.

Musika hain gustuko izanda, Ingeles Filologia ikastera joango zara datorren urtean.

Hala da, bai. Zalantzan ibili ostean, Ingeles Filologia egitea erabaki dut, asko gustatzen baitzait hizkuntza hori eta baita irakastea ere.

Betidanik ibili naiz ingelesa ikasten, baina musika alde batera inoiz utzi gabe. Horrela, bitartean, Gasteizen egongo naizen lau urte horietan musika munduan ere ondo prestatzea pentsatu dut, bertako musika eskolaren batean. Gainera, ingelesezko musika gustatzen zaidanez, eta ingelesez abestea, asko balioko dit horrek.

Kantua edo instrumentua jotzea. Zer duzu gustuko?

Kantua, noski. Kantua lehenengo eta ondoren gitarra. Izan ere, gitarra ikasten hasi nintzean, neurri batean kantuan pentsatzen nengibilen, nahiz eta gitarra ere asko gustatzen zaidan, ahotsari laguntzeko oso ondo dagoelako eta gitarrarekin gustuko dudana musika jo dezakedalako. Baina, lehen esan bezala, benetan gogoko dudana kantatzea da.

Joan den urteko Euskal Kantuen Txapelketan bigarren postua lortu zenuen. Nolako izan zen esperientzia?



JASONE ZABALA

PERTSONALA

Herria: Aramaio. **Adina:** 17 urte. **Ikasketak:** Bigarren mailako batxilergoa. **Zaletasunak:** Musika (abestu, musika entzun, gitarra jo...), bidaiatzea eta, nola ez, lagunekin irteeta. **Bizio bat?** Txokolata. **Musika talde bat?** AC/DC; izan ere, oraindik zapa-

tuko *shock*-arekin nago... Baina abeslaria, Celine Dion. **Norekin abestuko zenuke gustura?** Celine Dionekin. **Amets bat?** Noizbait, Ameriketako Estatu Batuetako gospel talde batean abestea eta zuzendari lanetan aritzea. **Zer gorrotatzen duzu?** Gezurra.

Izugarri ona. Izan ere, jende asko eta kantu berri asko ezagutzeaz gain, esperientzia desberdina izan da musika taldean egiten ditugun kontzertuekin alderatuz. Beste sentsazio bat probatu nahi nuen, epailearen aurrean abestu, lehiaketa batean abestu... Esperientzia desberdina da. Txapelketa hasi baino pixka bat lehenago, agertokira irteteko nengoela nahiko urduri nengoen, baina era berean oso-oso pozik; abesten hasteko izugarritzko gogoia nuen, kanpora atera eta abestu. Ondoren, epaimahaia aurrean nuela eta lehiaketa zela ahaztu eta kantatzen nengoela ez nuen momentu hura amaitzerik nahi! Gainera, lagun eta senide ugari etorri ziren, eta aurrean oihuka animatzen ikusita... Ahaztezina izan zen benetan!

Rockero Gozoak deitzen da zure taldea. Zergatik?

Egia esan, bat-batean bururatu zitzaigun izen hori. Agian, jotzen dugun musika motagatik... Rocka bai, baina ez hain gogorra... Baladak agian nagusi direlako edo kantu ez hain azkarrak, lasaia gozok direlako.

Gitarra akustikoa edo espainiarra?

Momentuaren arabera, baina gehien erabiltzen dudana akustikoa da, bai kontzertuetan eta baita etxean ere. Soinua ere desberdina da, gehiago gustatzen zait; gainera, erosoagoa da, behin kabla ipinita ez daukazulako mikrofonoa ipini beharrik.

Jakin dut Celine Dion abeslaria dela zure idoloa musika munduan.

Bai, horrela da. Betidanik gustatu izan zait, haren ahotsa, kantuak... Haren ahotsa munduko onenetakoa dela iruditzen zait.

Baina haren musikak ez dauka zerikusirik AC/DC taldeak egiten duen musikarekin...

Joan den zapatuan Bilbora AC/DC ikustera joan nintzen, bai, eta benetan harrigarria izan zen, ahaztezina! Egia da oso desberdinak direla, baina nik orokorrean mota guztietako musika entzuten dut, nahiz eta gogokoen Celine Dion izan.

Zure ametsa?

Bostonera joatea. Bertan dago Berklee College of Music delakoa, eta munduko onenetarikoa dela entzunda daukat.

Pazko asteen ere albistegia

GOIENKARIA > ARRASATE
Nahiz eta Goiena Telebistak Pazko asteen ostean helduko dion ohiko programazioari, Pazko asteen ez zarete geratuko Debagoiengan gertatzen denaren gaineko informaziorik jaso barik. Hain zuzen, Pazko Asteen, egunero, 14:45ean, *Berriak* saioan jasoko dituzue gurean gertatzen direnen berri. Hori, Goiatz Arana lankidearen eskutik jasoko duzue. Ez ahaztu, beraz, gureko albisten berri izango duzuela egunero!

GOITB, 'Berriak'

> Egunero, 14:45, 16:45, 18:45, 20:45, 22:45

Korrikaren gaineko guztia 'Erreportajea'-n, gaur gauean

Debagoiendarren Korrikarekiko atxikimendua itzela izan zen, hunkigarria eta ederra

'Erreportajea'-n, Debagoiengan igaro zituen herrietan jasotakoak ikusiko dituzue

GOIENKARIA > ARRASATE
Gaur eskainiko du Goiena Telebistak Korrika 16k Debagoiengan egin dituen kilometroen gaineko erreportajea. Dakizuen moduan, zapatutik iganderako gauean pasatu zen Korrika guretik, eta jendetza handiak egin zuen bat euskararen aldeko ibilbidearekin. Gaez, eta eguraldia lagun, Korrikak Debagoieneko herriak pasa-

tu zituen. Guztiak ez; izan ere, Elgeta eta Aramaiotik ez zen igaro Korrika. Baina beste guztietatik bai, eta une hunkigarri bezain politak bizi izan ziren herri guztietan.

Gauerdian, Korrikak Osintxuko kaleak hartu zituen. Handik, eta euskararen aldeko oihuen artean, Bergarara egin zuen. Izugarria izan zen Bergarako; izan ere,

Erramu-zapatu egunarekin bat egin zuen Korrikak. Handik Antzuolara, eta Antzuolatik Desarga mendatean gora, Urolara egin zuen Korrikak. Handik, 03:30ean, Udanan behera Oñatira jaitsi zen eta han ere une bereziak bizi izan ziren. Oñatitik Arrasatera, eta Arrasatetik Aretxabaleta, Eskoriatza eta Gatzagara egin zuen Korrikak. Herri horietan ere, euskararekiko eta AEKrekiko atxikimendua itzela izan zen.

Herri guztietako irudiak jaso zituen Goiena Telebistak, eta horiekin erreportajea egingo du Julen Iriondok.

GOITB, 'Erreportajea'

> Eguaztena, 22:15

telebegi

Edu Mendibil
> 'goiena.net/blogak/edu'

Ipar poloan Callejarekin

Bidaia lagun atsegina da Jesus Calleja alpinista. Gustura ikusten dut haren *Desafío extremo* (Cuatro). Mundu osoko txoko zoragarriak erakutsi dizkigu jadanik. Manuel Larramendi, Maria March... eta Emilio kameralari *ezkutua*ren laguntzaz, iazko apirilean ipar polora egin zuen bidaia eman zuten domekan. Tonu didaktikoa (masa polarraren jitoaren fenomeno) eta lagun arteko bidaian izpiritua primeran uzartzen ditu Callejak, umorez zipriztindutako komentariorekin. Paisaia izoztuan irudi zoragarriak jaso zituzten, musika ederraz lagunduta. Kamearekin benetan trebea da Calleja; -35 °C-rekin gauza izan zen bere burua grabatzeko, kanpin dendatik hurbil kaka egiten.

Amaieran, ipar poloraino helikopteroz joandako errusiar aberats talde batekin elkartu ziren. Leongo txorizoa eta kabierra partekatu zituzten *Video killed the radio star* abestia entzuten zela. Eta nork akabatu zituen garai bateko esploratzaileak?

Umeendako 'Betizu izar artean' filma bihar, 15:00etan


Umeendako euskarazko filma eskainiko du bihar, eguna GOITB-k

GOIENKARIA > HERRIA
Betizu izar artean euskarazko filma eskainiko du Goiena Telebistak bihar, 15:00etan. Etxeko txikienei eskainitako filma da Baleuko SL ekoizle etxearen lan hori. Filmak Betizuen istorio bat kontatzen du: Uztarroek Betizuen galaxiako ikuskizun-areto orbi-

tal erraldoi bat da eta bertan, galaxiako ikuskizun garrantzitsuena ospatzen da urtero. Betizuak ez dira jai horren aldekoak, baina, ezustean, bertan jotzeko gonbita jasoko dute. Eztabaida luze baten ondoren, parte hartzea erabakiko dute, baina Betizu horren kontra azalduko da. Behin Uztarroekera iritsita, Betizuk dena iruzur handia dela jakingo du, guztia ubertsoa kontrolatzeko plan baten barruan dagoela.

GOITB, 'Euskarazko filma'

> Eguena, 15:00



Betizu izar artean fima eskainiko du Goiena Telebistak.

GOIENKARIA

arrasate irrata

FM 107.7

Sukaldea eta osasuna

U.M. > ARRASATE
Pazko aste ostean egunerokotasunari sasoitsu eusteko moduko oparia zozketatuko dute irratian: *Salud a la carta* izeneko liburua, Bruno Oteiza eta Txumari Alfaro egileena. Izenburuak dioten moduan, sukaldeko errezeta osuntsuak eta erremedio naturalak aurkeztu dituzte liburua horretan aditu bi horiek. Parte hartzeko: 943 25 05 05, irratia@goiena.com edo goiena.net atarian dagoen irratiko blogean.

Arrasate Irratia, 'Igo Autobusera'

> Egubakoitza, 11:30etik 12:00ak bitartean.

astea GOITBn

Eguaztena, 8	Eguena, 9	Egubakoitza, 10	Zapatua, 11	Domeka, 12	Astelehena, 13	Martitzena, 14
13:15 Marrazki bizidunak	08:00 Marrazki bizidunak.	08:00 Trikitraka trikiton	08:00 Betizu izar artean.	08:00 Trikitraka trikiton	08:00 Pailazokeriak.	13:15 Marrazki bizidunak
13:45 Ikusmira: Aiton-amonak.	10:30 Trikitraka trikiton.	09:00 Marrazki bizidunak.	09:00 Trikitraka trikiton	09:00 Marrazki bizidunak.	09:00 Trikitraka trikiton	13:45 Ikusmira.
14:15 Jazz	11:30 Golb tb.	11:30 Betizu izar artean.	09:00 Marrazki bizidunak.	11:30 Rally.	10:00 Marrazki bizidunak.	14:15 Jazz
14:45 Berriak.	12:00 Euskal herria lau haizetara.	12:30 Mugaz Kanpo.	11:30 28 klip.	12:30 Solaskide.	11:30 28 klip.	14:45 Berriak.
15:10 Ilunpean.	12:30 Ikusmira.	13:00 Erreportajea.	12:00 Arte irekia.	13:00 Golb tb.	12:00 Eltze beroa.	15:10 Ilunpean.
15:50 Nire herria.	13:00 Eltze beroa.	13:45 Solaskide.	12:30 Mugaz Kanpo.	13:45 Erreportajea.	12:30 Erreportajea.	15:50 Nire herria.
16:20 28 Klip	14:00 Erreportajea.	14:15 Eltze beroa.	13:00 Erreportajea.	14:15 Eltze beroa.	13:00 Euskal herria lau haizetara.	16:45 Berriak.
16:45 Berriak.	15:00 Trikitraka trikiton	15:15 Jazz.	13:45 Solaskide.	15:15 Betizu izar artean.	13:45 Solaskide.	17:15 Marrazki bizidunak.
17:15 Marrazki bizidunak.	16:15 Zaharrak berri.	15:45 Marrazki bizidunak.	14:15 Eltze beroa.	16:15 Marrazki bizidunak.	14:15 Eltze beroa.	17:45 Solaskide.
17:45 Solaskide.	16:45 Marrazkiak	18:15 Trikitraka trikiton.	15:15 Jazz.	18:15 Trikitraka trikiton.	15:15 JBetizu izar artean.	18:15 Ur eta lur.
18:15 Ur eta lur.	18:15 Pailazokeriak.	19:15 Erreportajea.	15:45 Marrazki bizidunak.	18:15 Trikitraka trikiton.	14:15 Marrazki bizidunak.	18:45 Berriak.
18:45 Berriak.	19:15 Marrazkiak	19:15 Erreportajea.	18:15 Trikitraka trikiton.	19:45 Euskal herria lau haizetara.	18:15 Trikitraka trikiton.	19:15 Marrazki bizidunak.
19:15 Marrazki bizidunak.	19:30 Erreportajea.	19:45 Solaskide.	19:15 Pailazokeriak.	20:15 Erreportajea.	19:15 Pailazokeriak.	19:15 Marrazki bizidunak.
19:45 Goiena Magazinea.	20:30 Golb tb.	20:15 Erreportajea.	18:15 Trikitraka trikiton.	20:15 Erreportajea.	20:15 Euskal herria lau haizetara.	19:45 Goiena Magazinea.
20:45 Zaharrak berri.	21:00 Ikusten.	21:00 Wazemank.	19:15 Pailazokeriak.	21:00 Wazemank.	21:00 Solaskide.	20:45 Zaharrak berri.
21:15 Goiena Magazinea.	21:30 Ilunpean.	21:45 Erreportajea	20:15 Erreportajea.	21:45 Erreportajea	21:45 Ilunpean	21:15 Goiena Magazinea.
22:15 Erreportajea.	22:15 Solaskide.	22:45 Musikantoi.	21:45 Ilunpean	22:45 Ilunpean.	22:45 Golb tb.	22:15 Erreportajea.
22:45 Erreportajea.	22:45 Erreportajea.	23:15 Ilunpean.	22:45 Golb tb.	23:15 Musikantoi.	23:15 Itsasoari begira.	23:00 Mugaz kanpo.
23:00 Mugaz kanpo.	23:30 Musikantoi.	00:00 Ikasberri rallya.	23:15 wazemak.	00:00 Musikantoi.	00:00 Musikantoi.	23:15 Goiena Magazinea.
23:15 Goiena Magazinea.	00:00 Jazz.	00:00 Ikasberri rallya.	00:00 Itsasora begira.	00:00 Ikasberri rallya.	00:00 Musikantoi.	00:15 Emisio amaiera.
00:15 Emisio amaiera.	00:30 28 klip.	00:30 Emisio amaiera.	00:30 Emisio amaiera.	00:30 Emisio amaiera.	00:30 Emisio amaiera.	
	01:00 Emisio amaiera.a.					

herritarrek galdezka

MERKURIOZKO TERMOMETROAK NORA ERAMAN BEHAR DIRA?

Aretxabaletako herritar batek deitu digu esateko jakin duela dagoeneko merkuriozko termometroak erabiltzea debekatuta dagoela hemendik aurrera. Jakin nahi du etxean horrelako termometrorik izanez gero ea zer egin behar duen horiekin, nora eraman behar dituen.

Mankomunitateko Ingurumen Sailera jo dugu termometroen gainean galdetzeraz. Bertan adierazi digute termometroak etxetik kendu nahi izanez gero, bi lekutara eraman daitezkeela: alde batetik, Puntu Berde Mugikorrean entrega daitezke. Horretarako, apirilaren 20an eta 27an Aretxabaletan izango da Gernika plazan, 09:00etatik 13:00ak arte; eta nahi duenak bertara eraman dezake.

Beste aukera bat da Arrasateko Garbigunera eramatea. Bertako ordutegia ondorengoa da: asteleheneetik egubakoitzera 09:00etatik 13:30era eta 15:00etatik 19:00etara eta zapatuetan 09:00etatik 13:30era. Jaiegunetan itxita egongo da eta zapatu honetan ere bai. Baina Oñatikora edo Bergarakora ere eraman daiteke. Bergaran San Kristobal auzoan, Angiozar bidean dagoen garbigunera (943 76 44 42) eta Oñatin Urrutxun, Garagaltza bidean dagoenera (943 78 36 67).

AGORROSINGO EKINTZA GUNEAN KORRIKA EGITEKO ZINTA NOIZ IPINI BEHAR DUTE?

Bergarako irakurle batek bidali digun kexan zera adierazten da: "Duela gutxira arte Agorrosingo Ekintza Gune-gimnasioan korrika egiteko bost zinta zeuden eta horietako bat kendu egin zuten; oraindik ez dute bueltan ipini; makinak erabiltzen eta batez ere



Termometroak garbiguneetara eraman daitezke.

GOIENKARIA

korrika egiteko zintak erabiltzen egiten den jende pila ikusita, kendu duten zinta horren beharra dagoela uste dut. Zergatik kendu zuten? Zein erabaki hartu du Udalak horren gainean?"

Udaleko Kirol teknikari Unai Asurmendirekin egon gara gai horren

gainean hitz egiten, eta hark zera adierazi digu: "Gimnasioko argindar sareak ez du potentzia nahikorik lasterka egiteko bost zinta hornitzeko, horregatik daude orain lau. Sare potentzia eskas horrek automatikoa saltarazi egiten zuen, eta erabiltzaileendako arrisku egoerak sortu. Horregatik kendu genuen zinta bat", esan digu Asurmendik. Horrekin batera adierazi digu egoera hori konpontzeko asmoz apirilaren 14tik 19ra geldialdi eta garbiketa astean, argindar sarearen potentzia handitzeko lanak egingo dituztela. Horrela, "apirilaren 20rako eta dena ondo badao korrika egiteko bost zintak egongo dira prest", esan digu Asurmendik.

Amaitzeko, Asurmendik zera jakinarazi nahi die Agorrosin Ekintza Gune-gimnasioan guztiei: "Halako zalantzak argitzeko gimnasioan bertatik bertara egunero dauden begiraleekin hitz egiteko aukera eskaini nahi nieke erabiltzaileei, haiek ere horrelako zalantzak argi ditzaketelako".

Galdera egiteko:

Zerbaitek arduratzen bazaitu eta gai horren gaineko informazio gehiago jaso nahi baduzu, egiguzu galdera eta geu jarriko gara harremanetan dagoiokionarekin.

• Telefonoz: 943 25 05 05

• Faxez: 943 25 05 12

• Postaz: Goienkaria. Irizar jauregia. Barrenkalea 33. 20570 Bergara.

• Posta elektronikoz: goienkaria@goiena.com

bono fotoa



Plaza hori Debagoieneko zein herritan dago eta Udaletxea zein mendetako da?

Argazkia eta galdera > Jose Felix Diaz de Tuesta

AURREKO ZENBAKIKO IRABAZLEA

Antzuolako Jose M. Iturbe.
Zorionak!

Erantzun zuzena: San Blas



Garmendia Ardoek emandako

Ardo botila packa*

zozketatuko du GOIENKARIAK asmatzaileon artean!

* Larchago iskillarapeko ekologikoa 2008. / Larchago kriantza 2006. / Larchagoko Izarbe bereziki aukeraturako erreserba 2001.

ERANTZUNA
IZEN-DEITURAK
HERRIA TELEFONOA

Ekarri txartela MARTITZEN EGUERDIRAKO Goienako edozein egoitzara

eguraldia

DEBAGOIENEAN



Eguena, 9

Ez da garbi egongo zerua eta hodei batzuk egongo dira. Egun amaieran zerua estalita geldituko da. Tenperatura nabarmen igoko da.




Egubakoitza, 10

Temperaturak nabarmen egingo du behera, zeruak lainotuta jarraituko du eta euri zaparradak ere botako ditu.

EUSKAL HERRIAN

Aste Santuan eguraldi ezegonkorra izango da; tenperatura aldaketa zakarrak egongo dira. Asteburua eskas hasiko dugu, baina domekarako hobera egingo du.



TENPERATURAK

Bergarako San Juan auzoan jasotako datuak.

MINIMOA	2°C	Max.	Min.	Euria	
Eguena, 2		°C	°C	l/m ²	
Eguaztena, 1	12	7	-		
Eguena, 2	15	2	-		
MAXIMOA	23°C	Egubakoitza, 3	16	6	0,4
Astelehena, 6		Zapatua, 4	13	7	0,3
ASTEKO EURIA	11,8 L	Domeka, 5	15	9	-
(l/m ²)		Astelehena, 6	23	6	11,1

guardiako farmaziak

ARRASATE

Zapatua, 11	Ruiz	Nafarroa Etorb., 1	943 77 14 09
Domeka, 12	Amezua	Santa Marina, 32	943 77 09 74
Astelehena, 13	Ruiz	Nafarroa Etorb., 1	943 77 14 09
Martitzena, 14	Ruiz	Nafarroa Etorb., 1	943 77 14 09
Eguaztena, 15	Amezua	Santa Marina, 32	943 77 09 74
Eguena, 16	Español	Araba Etorb., 14	943 79 18 65
Egubakoitza, 17	Ruiz	Nafarroa Etorb., 1	943 77 14 09

BERGARA

Zapatua, 11	Zabala	Barrenkale, 25	943 76 16 87
Domeka, 12	Zabala	Barrenkale, 25	943 76 16 87
Astelehena, 13	Guallar	San Antonio, 5	943 76 11 05
Martitzena, 14	Estella	Matxiategi, 5	943 76 19 63
Eguaztena, 15	Alvarez-Mozos	Iparragirre, 2	943 76 12 15
Eguena, 16	Urrutikoetxea	Oxirondo plaza, 4	943 76 11 74
Egubakoitza, 17	Zabala	Barrenkale, 25	943 76 16 87

OÑATI

Zapatua, 11	Anduaga	San Lorenzo, 3	943 78 21 16
Domeka, 12	Anduaga	San Lorenzo, 3	943 78 21 16
Astelehena, 13	Anduaga	San Lorenzo, 3	943 78 21 16
Martitzena, 14	Barrenetxea	Kale Zaharra, 1	943 78 01 22
Eguaztena, 15	Garate	Kale Barria, 42	943 78 05 58
Eguena, 16	Garate	Kale Barria, 42	943 78 05 58
Egubakoitza, 17	Juldain	Kale Barria, 6	943 78 11 28

ARETXABALETA

Zapatua, 11	Anitua	Belorrieta, 1	943 08 11 43
Zapatua, 11	Agirre (Esko.)	Gorosarri plaza	943 71 48 28
Domeka, 12	Anitua	Belorrieta, 1	943 08 11 43
Astelehena, 13	Anitua	Belorrieta, 1	943 08 11 43
Martitzena, 14	Anitua	Belorrieta, 1	943 08 11 43
Eguaztena, 15	Anitua	Belorrieta, 1	943 08 11 43
Eguena, 16	Anitua	Belorrieta, 1	943 08 11 43
Egubakoitza, 17	Anitua	Belorrieta, 1	943 08 11 43

Guardiako farmazien eskuko telefonoetarako 2009ko egutegia. Bidali SMS 7505era "farma" hitzarekin. SMS kostea 0,9 euro + BEZA.

ezkontzak



Amparo Etzaniz bergararra eta **Vicente Mendiarratz** arrasatearra orain dela 50 urte ezkondu ziren. Urrezko ezteiak ospatzeko apirilaren 18an meza izango dute Arrasateko San Isidro elizan, eta gero senideekin bazkaria. Zorionak!



Oñatiko **Jaxinto Lizarralde** eta **Jesusa Maiztegi** apirilaren 9an ezkondu ziren, orain dela 50 urte. Urrezko ezteiak betetzen dituzten honetan, zorionak eta patxo handi bana, seme-alaben eta biloben partetik.



Joxe Mari Ganboa eta **Lorea Sagasta**, 1984ko apirilaren 14an Arraten ezkondu ziren. Alaba Nahikarik, Ikerrek eta famili guztiak zoriontzen dute bikotea egun berezi horretan. Zorionak bikote eta beste hainbeste urte bete ditzazuela elkarrekin. Ondo pasatu zilarrezko eztei bidaia Portugalen.



Bergarako **Jose Mari Oregi** eta **Benita Azkarate** orain dela 50 urte ezkondu ziren, eta ezteiak ospatuko dituzte apirilaren 9an. Familiarteaz ospatuko dute egun berezi hori. San Pedro elizan izango dute meza eta bazkaria Itziarke Salegi jatetxean.

hildakoak

- **Isabel Arabaolaza Inza.** Oñati, martxoaren 30ean. 87 urte.
- **Vicente Alonso Sanchez.** Arrasate, martxoaren 30an. 69 urte.
- **Francisco Molina Higuera.** Bergara, martxoaren 31an. 73 urte.
- **Antonio Errasti Elejalde.** Arrasate, apirilaren 3an. 70 urte.
- **Lazaro Ibarguen Amutxastegi.** Arrasate, apirilaren 6an. 83 urte.
- **Carmen Elgarresta Larrañaga.** Antzuola, apirilaren 7an. 89 urte.

ESKELAK

GOIENKARIAN eskela jarri nahi baduzu, deitu telefono honetara eguen eguerdia baino lehen:

943 25 05 05

Edo zatorz ordezkaritza batera, eguen eguerdia baino lehen:

Arrasate

Goiena: Otolara lizentziaduna 31. 943 25 05 05.
Goiena: Nafarroa etorbidea 2. 943 25 05 05.

Bergara

Goiena: Barrenkalea 33. 943 25 05 05.

Oñati

Biklon publizitate agentzia: Olakua 9. 943 78 10 65.

Aretxabaleta

Goiena: Durana 11. 943 79 86 21.

Aramaio

Kintelena janaridenda: Nardeaga 11. 945 44 50 22

Elgeta

Ugari janari denda: Andra Mari plaza 2. 943 76 80 98

Antzuola:

Itzar liburu denda: Kalebarren 1. 943 76 60 62.

Eskelaren prezioa: 110 euro.

Prezio berezia: egubakoitzeko eta asteleheneko GOIENKARIAN, bietan, argitaratuz gero, **150 euro.**

ASTELEHENEKO GOIENKARIAKO harpidedunak: 100 euro
Prezio berezia: egubakoitzeko eta asteleheneko GOIENKARIAN, bietan, argitaratuz gero, **140 euro.**

Goienkaria: astero, 39.000 irakurle. (CIES)



URTEURRENA

Candida Garitano Eguren

Lehen urteurreneko meza domekan, apirilaren 12an, 12:00etan, Bergarako Santa Marina elizan ospatuko da.



Elizkizunetara joango zaretenoi, alde zurretik eskerrik asko sendikoen izenean.

URTEURRENA

Martin Kortabarria Azkarateaskasua

Lehen urteurreneko meza domekan, apirilaren 12an, 12:00etan, Bergarako Santa Marina elizan ospatuko da.



Elizkizunetara joango zaretenoi, alde zurretik eskerrik asko sendikoen izenean.

ESKER ONA

Paco Molina Higuera

2009ko martxoaren 5in hil zen, 75 urte zituela.

Unerik gogorrenetan benetako lagunak zaretela erakutsi diguzuelako, eskerrik asko sendikoen izenean.



Bergaran, 2009ko apirilaren 8an.

URTEURRENA

Juan Maria Lizarralde Ugarte

Lehen urteurreneko meza apirilaren 19an, domeka, 12:30ean, Bergarako San Pedro parrokian ospatuko da.



Familiak eskerrak eman nahi dizkie elizkizunetara joango diren guztiei.

Babeslea:

Euskalduna

Hileta Zerbitzuak

Beilatokia
Etengabeko zerbitzua
Lore koroak
Eskelak
Tramite guztien bideratzea

Amilaga 39, Bergara Tel./Faxa: 943 76 12 99
e-posta: euskalduna@harrespil.net



Apirilak 8-19

Zuon ekitaldien berri iragartzeko, bidali informazioa eguazteneko eguerdia baino lehen.
Posta elektronikoa: kultura@goiena.com
Tel.: 943 25 05 05 • Faxa: 943 25 05 13

Musika



ESKORIATZA

> Gose taldearen emanaldia gaur gauean Inkernu tabernan

Gose taldeak Eskoriatzako Inkernu tabernan emanaldia egingo du gaur, eguaztena, 22:30ean. Ines Osinaga, Jon Zubiaga eta Iñaki Bengoak osatutako hirukotea lagunen aurrean oraingoan, Aitzorroztz kultura elkartearen eskutik.

Erakusketa



BERGARA

> Jorge Oteizaren gaineko erakusketa Aroztegi aretoan

Orioko artista handiaren lanari gainbegiratu egiten dion erakusketa ibiltaria Bergaran jarri dute ikusgai. Martitzenetik egubakoitzera: 18:00-20:30; zapatuetan: 12:00-14:00 eta 18:00-20:30; eta domeketan: 12:00-14:00.

Erakusketa



ARRASATE

> 'Biblioteca en guerra, Liburuaren Eguneko ospakizunen harira

II. Errepublikan eta 1936ko Espainia-ko gerran biblioteka publikoek egindako lan mardula islatzen du erakusketak. Apirilaren 30era arte izango da ikusgai Kulturateko klaustroan (Aste Santuan itxita egongo da).

emakumeei zuzenduta. Plaza mugatuak.

Izenematea Udaleko Gizarte Zerbitzuetan edo 943 77 91 65 telefonoan.

DEBAGOIENA

> Gurutze Gorriaren ikastaroak Arrasaten eta Oñatin

Debagoieneko Gurutze Gorriak bi ikastaro iragarri ditu: geriatría laguntzaile ikastaroa Kulturaten (apirilaren 20tik maiatzaren 8ra) eta osasun garraio laguntzaile ikastaroa Zubillagan.

Izenematea eta argibideak 619 00 35 00 telefono zenbakian, astelehenetik egubakoitzera 10:00etatik 19:00etara eta zapatuetan 10:00etatik 14:00etara.

DEBAGOIENA

> Alpinismo ikastaroa Gipuzkoako Goi-Mendi Eskolarekin

Gipuzkoako Goi-Mendi Eskolak antolatuta, alpinismo ikastaroa izango da apirilaren 25ean eta 26an. Apirilaren 14a baino lehen eginez gero, izenemateak 115 euro balio du eta bestela 137 euro.

Izenematea eta argibideak 699 63 39 50 telefono zenbakian.

Lehiaketak

BERGARA

> Mendekoste jaietako kartel lehiaketa

Pazkoetako egitarauaren azala egiteko lehiaketa deitu du Bergarako Udaleko Kultura Sailak. Bergaran erroldatutako edozein pertsonak har dezake

Musika

ARRASATE

> Bi kontzertu 3.60 aretoan datorren astean

Distorsion eta Material Rechazado taldeek hilaren 17an joko dute eta zapatutako, hilaren 18rako, Ancient, Gothmog eta Denila iragarritako daude.

Hilaren 17ko kontzertua 22:30ean eta 18koa 22:00etan, 3.60 aretoan.

Erakusketak

ARAMAIO

> '20 urte amets bat eraikitzen' Udaletxean, apirilaren 24tik 26ra.

Apirilaren 24an: 18:30-20:00. Zapatuan, hilaren 25ean: 12:00-14:00/17:30-19:00. Domekan, hilaren 26an: 12:00-14:00/18:00-19:00.

Hitzaldiak

ARRASATE

> Pruden Gartziazen hitzaldia apirilaren 23an

Intelektualak eta faxismoa Espainiako Gerra Zibilean: zenbait adibide hitzaldia egingo du Pruden Gartziazen, Liburuaren Eguna ospatzeko antolatutako ekitaldien barruan.

Apirilaren 23an Kulturaten, Jokin Zaitegi gelan, 19:00etan.

Ikastaroak

ARETXABALETA

> Pintura, zeramika eta eskulan ikastaroak

Pintura, zeramika eta eskulan ikastaroak antolatu ditu Kultura Sailak.

Argibideak Arkupen: 943 08 10 01.

ARRASATE

> Yoga eskolak Arrasaten, goizez eta arratsaldez

Txindoki dorrean (Bañez Dokorea 1). Astelehen eta eguaztenetan 09:30etik 11:00etara eta martitzen eta eguaztenetan 19:00etatik 20:30era.

Argibideak eta informazioa ondoko telefonoetan: 635 71 06 16 (Maite) edo 943 78 31 26 (Ana).

ARETXABALETA

> Dantza libre topaketak hilean behin

Jaiki elkarteak dantza libre topaketak antolatu ditu. Isabel

Altzola izango da irakaslea. Saio guztiak hila batean behin, eguenean izango dira, 18:00etatik 20:30era.

Apirilaren 23an izango da hurrengo saioa. Izenematea 669 05 80 33 telefonoan edo berenaiaara@yahoo.es helbidera idatzita.

ESKORIATZA

> Masaje bateratua, Jose Luis Armendiarekin


Mendebaldeko masajea (lasaigarria-kiromasajea) eta ekialdekoa (digitopuntura-yoga pasiboa) bateratzea izango du helburu.

Apirilaren 23tik ekainaren 18ra, eguenero, 17:45etik 19:45era kultura etxean. Prezioa: 40 euro. Izena emateko azken eguna: apirilak 8.

BERGARA

> Lotura afektiboaren gaineko ikastaroa, emakumeendako

Harreman afektiboak nola sortzen ditugun aztertu eta landuko da Udaleko Ongizate Sailak antolatutako ikastaroan. Apirilaren 20tik ekainaren 22ra saioak astelehenetan izango dira, 15:00etatik 17:00etara, kultura etxean. Gaiarekin interesa duten



BERGARA

> 'Aulki hutsa', antzeulan bakarrizketa

Joseba Sarrionandiaren testuetan oinarritutako antzeulan-bakarrizketa, Companyia Petit Theatre de Pain taldearen eskutik. Ander Lipus da antzeulaneko zuzendaria. Poesia antzerki bilakaturik. Manex Fuchs da aktore bakarra, eta musika Battitt Elissalderena. Erbestetik itzuli ezin den gizon batek tragoa eskaintzen digu, ikusleekin harreman zuzena izan nahian...

Datorren egubakoitzean, hilaren 17an, Bergarako Zabalotegi aretoan, 22:30ean. Sarrerak 3 eurotan salgai.

ZIENTZIAREN KUTXAGUNEA

ERAKUSKETA IRAUNKORRA: 172 modulu interaktibo ezberdin dauzka, bi solairu eta 9 geletan banatuta. Komunikatzeko modu berri bat, esperimentu eta objektuen manipulazioa erabiliz.

PLANETARIUM BERRIA

Kupula osoan proiektatzen diren erresoluzio handiko irudi ikusgarriak: Asteburu eta jai egunetako saioak: 12:00 eusk., 13:00 gatz., 15:30 fran., 16:15 gatz., 17:00 eusk., 18:00 gatz.

Donostiatik zerura begira: Zuzeneko saioa.
Itsua izar begiekin: Ipuin animatu bat, non itsu bat eta tirano bat protagonista dituen.

Biziaren jatorria: Lurraren eta Eguzki Sistemaren jatorria erakusten digun saioa.

Infinity Express: Unibertsoa eta Eguzki Sistemaren zehar bidaia
Kartoizko Suziriaren sekretua: Haurrei zuzenduta.
BERRIA!

ASTE SANTUKO OPORRETAN GAINERA:

Elektrizitate ikuskizuna: Ilek puntan jarriko dizkizun esperientzia.

Planetarium Txikia: 4-9 urte bitartekoek ere izarrak ikus ditzaten

Simulagailuak: Errusiar mendia eta tranbia gidatzailearekin disfrutatzeko aukera

1,2,3...matemagia!!!, Ur kohetea, Sumendiak, Planisferioak, Esperimentuak, etab.

BESTE AKTIBITATE BATZUK

Artea Unibertsoan argazki erakusketa, irailaren 30a bitartean zabalik.

ZIENTZIAREN KUTXAGUNEA
KUTXAESPACIO DE LA CIENCIA

Miramón-Donostia Tel.: 943 01 24 78
www.miramón.org

Erraldoiei izena jartzeko lehiaketa

BERGARAN Sei erraldoietatik lauk ez dute izenik eta horiendako izena pentsatzea da lehiaketaren oinarria

ASPALDIKOAK Duela bi mende herrian zeuden baseritar eta jauntxoei begira eginikoak dira

NEREA MENOR > BERGARA

Buruhandiekin batera erraldoiak beti daude presente jaiak alaitzeko orduan. Bergaran sei erraldoi daude eta, konpartsarekin batera, sarritan irtetzen dira herritarrak animatzera, baita beste herri batzuetara ere.

Erraldoien artean bi bereziki garrantzitsuak izan dira herrian, Mari Kattalin eta Joxe Bixente senar-emazteak, abestia eta guzti dute-eta: *Gigante, gigante vestido de elegante; gigante, gigante vestido de percal. Mari Kattalin gona gorri dantzari ta Artzai Jose Bixente Kolokan-kolokan dabiltza kalian danbolin soinuaz.* Horrela dio bi handi haien omenez eginiko kantuen letrak.

Beste lau erraldoiek, aldiz, ez dute ez abestirik ezta izenik ere. Bada, egoera horri irtenbidea

emateko, Udalak erraldoiak izendatzeko lehiaketa abiaraziko du laister. Bergaran erroldatutako edonork har dezake parte, eta, izena aukeratu ondoren, Mendekoste jaietan parodia baten bitartez bataio zibila egingo zaie lau erraldoiei.

XVIII-XIX. MENDEETAKOAK

Senar-emazte osatutako bikoteak izendatu behar dira. Lehenengo biak XVIII-XIX. mendeetan Bergaran izan ziren jauntxoei begira egingoak dira. Mende beretako herriko baserritarren eredu jarraituz egin ziren beste biak. "Baserritar-eleganteen jantziak dituzte", diote Udal iturriek.

"Bikote bakoitzarentzako izenarekin batera, izen hori jartzearen zergatia azaldu beharko dute parte-hartzaileek", azaldu

digu Maider Osak, Kultura teknikariak. "Erraldoi bakoitzaren izaera eta garaia kontuan hartu beharrekoak dira. Gainera, eskal kutsua eduki behar dute izenek; Bergaran sasoi hartan zegoen euskal kutsua".

LEHIAKETAREN OINARRIAK

Gaur bertan oinarriak argitaratzeko asmoa du Bergarako Udalak; bestela, egun gutxi izango dituzte parte-hartzaileek izenak pentsatzeko, sariak Mendekosteak baino egun batzuk lehena eman nahi dira-eta.

Izenak taldeka nahiz bakarrik aurkez daitezke, eta, partaide bakoitzak lau izen aurkeztu behar dituenez, baliteke bi sari banatzea, "epaimahaiak pertsona ezberdinek aurkeztutako izenak gustuko baditu", dio Kultura teknikariak.



DANTZA Jaietan erraldoiekin batera dantzatzen dira herritarrak.

GOIENKARIA

ahobero

"Gure planetak guztiondako ura badu, baina hau ez da era egokian gestionatzen"

Josu Sanz > UNESCOk Euskadin duen ingurumen arloko zentroko arduraduna.

Baina, mila milioi pertsonak, sei biztanleetako batek, ezin du ur garbirik lortu. Nazio Batuek hori guztia badakite; duela gutxi, gainera, Uraren Foro Mundiala egin da Istanbulen. Arazoari benetako irtenbidea aurkitu behar diote.

iturri onetik

Kickboxing erakustaldia egingo dute maiatzean, Bergarako jaietan

Aurtengo Bergarako Mendekoste jaietako zapatu arratsaldean kickboxing erakustaldia egingo dute Bergarako Errege Mintegiko patioan. Aurreratu digutenez, Euskal Herriaren eta Frantziaren arteko lehia izango da.

Bergarako Udalean ez dute halako erakustaldirik gogortzen herrian, eta noizbait izan bbada, "oso aspaldi izango zen", diote. Eurria eginez gero Udal Pilotalekuan egingo da.

piperrautsa

Mikel Irizar > www.goiena.net/blogak/piperrautsa

Egin zitekeen hobeto

Marango zubiaren zutabeak ikusgarriak dira, bai. Eta Isuskitzako bi tunel luzeak elkarri lotuta daude hainbat puntutan, istripu kasuan segurtasuna bermatzeko. (Bide batez, gehien bat lurpean doan AHT tunel bakarrean badoa, non geratzen da hor segurtasuna?).

AP-1 deitu duten autopista txukun egingo dago, autoz pasatuta oso modernoa dirudi. Baina autopistaren azpian gauzak egin zitezkeen hobeto. Edozein autopistak ditu zutabe garaiak eta tunel erosoak. Azken belaunaldiak, gainera, azpikoa ere kontuan hartzen dute. Esaterako, mendi maldak airez pasatzen dituzte, azpitik bizitzak jarrai dezan. Hain zuzen, hori eskatu zuen Eskoriatzak eta ez diote jaramonik egin. Harresi galantak erdibitu du herria, sekulorum sekulotan.

ai, ene!



Harez egindako besaulkia kostaldean

Hondartzan zaudela egongelako besaulkia faltan igartzen baduzu, horrelako bat egin eta etxean moduan egongo zara.

<http://fotoscuriosas.net>

IKER

SUKALDEAK:

ARRASATE: Udala Plaza z/g / 943 79 00 43
OÑATI: San Lorenzo 1 / 943 53 35 48

FAGOR

sukaldeko altzariak %25eko
deskontua 4 modelotan.

